

SEE CAO

Rregullorja e Alokimit në Hije

Versioni 1,0



Podgoricë, Mali i Zi
Shtator 2023

Përmbajtja

KREU 1	Dispozita të përgjithshme.....	5
<i>Neni 1</i>	Objekti dhe fusha e veprimit.....	5
<i>Neni 2</i>	Përkufizimet dhe interpretimi.....	5
<i>Neni 3</i>	Platforma e Alokimit.....	9
<i>Neni 4</i>	Data e hyrjes në fuqi dhe aplikimi.....	9
KREU 2	Kërkesat dhe procesi për pjesëmarrje në Ankandet Hije.....	11
<i>Neni 5</i>	Dispozitë e Përgjithshme.....	11
<i>Neni 6</i>	Lidhja e Marrëveshjes së Pjesëmarrjes.....	11
<i>Neni 7</i>	Forma dhe përmbajtja e Marrëveshjes së Pjesëmarrjes.....	12
<i>Neni 8</i>	Dorëzimi i informacionit.....	12
<i>Neni 9</i>	Garancitë.....	13
<i>Neni 10</i>	Llogari Biznesi e Dedikuar.....	14
<i>Neni 11</i>	Pranimi i Rregullave të Sistemit të Informacionit.....	14
<i>Neni 12</i>	Kostot lidhur me Marrëveshjen e Pjesëmarrjes.....	14
<i>Neni 13</i>	Refuzimi i aplikimit.....	14
<i>Neni 14</i>	Aksesi në Mjedisin e Ankandit.....	15
<i>Neni 15</i>	Kryerja e kushteve financiare shtesë.....	15
<i>Neni 16</i>	Kërkesat rregullatore dhe ligjore.....	15
KREU 3	Kolateralet.....	16
<i>Neni 17</i>	Dispozitat e përgjithshme.....	16
<i>Neni 18</i>	Forma e depozitës në para.....	16
<i>Neni 19</i>	Forma e Garancise Bankare.....	17
<i>Neni 20</i>	Vlefshmëria dhe rinovimi i Garancisë Bankare.....	18
<i>Neni 21</i>	Limiti i kreditit.....	18
<i>Neni 22</i>	Modifikimet e kolateraleve.....	19
<i>Neni 23</i>	Incidenti i kolateralit.....	19
<i>Neni 24</i>	Thirrjet për kolateral.....	20
KREU 4	Ankande Hije.....	21
<i>Neni 25</i>	Dispozitat e përgjithshme për Ankandet Hije.....	21
<i>Neni 26</i>	Procesi i Ankandit Hije.....	21
<i>Neni 27</i>	Specifikimi i ankandit.....	21
<i>Neni 28</i>	Dorëzimi i ofertave.....	22
<i>Neni 29</i>	Regjistrimi i ofertës.....	23
<i>Neni 30</i>	Oferta e paracaktuar.....	23
<i>Neni 31</i>	Oferta e paracaktuar për Ankand rezervë.....	24
<i>Neni 32</i>	Verifikimi i Limitit të Kreditit.....	24
<i>Neni 33</i>	Përcaktimi i Rezultateve të Ankandit Hije.....	25
<i>Neni 34</i>	Njoftimi i Rezultateve të Ankandit Hije.....	26
KREU 5	Përdorimi i të Drejtave të Transmetimit.....	29
<i>Neni 35</i>	Parime të përgjithshme.....	29
<i>Neni 36</i>	Nominimi i të Drejtave të Transmetimit Fizik.....	29
<i>Neni 37</i>	Dokumenti i të Drejtave.....	29
<i>Neni 38</i>	Rezervimi i të Drejtave të Transmetimit Fizik për shërbimet balancuese.....	30

Rregullorja e Alokimit në Hije

KREU 6	Procedurat rezervë	31
<i>Neni 39</i>	Dispozita të përgjithshme.....	31
<i>Neni 40</i>	Procedura rezervë për shkëmbimin e të dhënave	32
<i>Neni 41</i>	Procedura rezervë për Ankandin Hije	32
<i>Neni 42</i>	Ankandi rezervë	
<i>Neni 43</i>	Anulimi i Ankandit Hije	33
KREU 7	Reduktimi	
<i>Neni 44</i>	Ngjarjet nxitëse dhe pasojat e reduktimit të të Drejtave të Transmetimit Ditor.....	35
<i>Neni 45</i>	Procesi dhe njoftimi i reduktimit.....	35
KREU 8	Faturimi dhe Pagesa	36
<i>Neni 46</i>	Parime të përgjithshme	36
<i>Neni 47</i>	Llogaritja e shumave të pagueshme.....	36
<i>Neni 48</i>	Shtesa për Taksat.....	36
<i>Neni 49</i>	Kushtet e faturimit dhe pagesës	37
<i>Neni 50</i>	Mosmarrëveshjet për pagesën.....	38
<i>Neni 51</i>	Kamatëvonesës dhe incidenti i pagesës.....	39
KREU 9	Dispozita të ndryshme.....	40
<i>Neni 52</i>	Kohëzgjatja dhe ndryshimi i Rregulles së Alokimit Hije.....	40
<i>Neni 53</i>	Përgjegjësia.....	41
<i>Neni 54</i>	Zgjidhja e mosmarrëveshjeve.....	42
<i>Neni 55</i>	Pezullimi i Marrëveshjes së Pjesëmarrjes	43
<i>Neni 56</i>	Përfundimi i Marrëveshjes së Pjesëmarrjes	44
<i>Neni 57</i>	Forca Madhore	46
<i>Neni 58</i>	Njoftimet	46
<i>Neni 59</i>	Konfidencialiteti	47
<i>Neni 60</i>	Delegimi dhe nënkontraktimi.....	48
<i>Neni 61</i>	Ligji rregullues.....	49
<i>Neni 62</i>	Gjuha	49
<i>Neni 63</i>	Pronësia intelektuale.....	49
<i>Neni 64</i>	Marrëdhëniet e Palëve	49
<i>Neni 65</i>	Nuk ka të drejta të palëve të treta	
<i>Neni 66</i>	Heqja dorë	50
<i>Neni 67</i>	Marrëveshja e plotë	50
<i>Neni 68</i>	Mjetet juridike ekskluzive.....	50
<i>Neni 69</i>	Ndashmëria	51
Shtojca 1		52

Dispozita të përgjithshme

Neni 1

Objekti dhe fusha e veprimit

1. Në rastin kur bashkimi i tregut të ditës në avancë nuk mund të prodhojë rezultate, atëherë kalohet te procedura rezervë. Procedura rezervë për alokimin e Kapacitetit Ndërzonal në kornizën kohore të tregut të ditës në avancë është një Alokim Eksplicit në formën e të Drejtave të Transmetimit Fizik (PTR) të energjisë elektrike me bazë ditore.
2. Rregullorja e Alokimit Hije përmban termat dhe kushtet për alokimin e të Drejtave të Transmetimit Ditor në kufijtë e renditur në Shtojcën 1, si procedurë rezervë për bashkimin e tregut të ditës në avancë me kushtin që Pjesëmarrësi i Regjistruar ta pranojë këtë rregullore me nënshkrimin e Marrëveshjes së Pjesëmarrjes. Në veçanti, Rregullorja e Alokimit Hije përcakton të drejtat dhe detyrimet e Pjesëmarrësve të Regjistruar si dhe kërkesat për pjesëmarrje në Ankandet Hije, përkrah procesin e Ankandit Hije, duke përfshirë përcaktimin e Çmimit Marxhinal si rezultat i Ankandit Hije dhe faturimit/pagesës.
3. Procedura rezervë i referohet vetëm Kapacitetit Ndërzonal dhe Pjesëmarrësit e Regjistruar nuk mund të përdorin asnjë të drejtë tjetër lidhur me të Drejtat e Transmetimit Fizik që u janë alokuar, përveç të drejtave që janë në përputhje me dispozitat e Rregullores së Alokimit Hije.
4. Dihet se funksionimi i Platformës së Alokimit mbulon zonën ku operojnë OST-të e Bashkimit Evropian, operatorët e sistemit të transmetimit nga palët kontraktuese të Traktatit të Komunitetit të Energjisë si dhe operatorët e sistemit të transmetimit nga vende të tjera. Referencat për (a) OST ose Operatorin e Sistemit të Transmetimit përfshijnë referencat ndaj OST-ve të BE-së, operatorëve të sistemit të transmetimit nga palët kontraktuese të Traktatit të Komunitetit të Energjisë si dhe operatorëve të sistemit të transmetimit nga këto vende të tjera, dhe (b) Autoritetet Rregullore Kombëtare ose ARRK-të përfshijnë referenca ndaj ARRK-ve të BE-së dhe autoriteteve rregullore kombëtare përkatëse tek palët kontraktuese të Traktatit të Komunitetit të Energjisë dhe shteteve të tjera përkatëse.

Neni 2

Përkufizimet dhe interpretimi

1. Termat me shkronja të mëdha të përdorura në këtë Rregullore të Alokimit Hije do të kenë kuptimin që u jepet në nenin 2 të Rregullores (BE) 2019/943, nenin 2 të Rregullores (KE) 2013/543, nenin 2 të Rregullores (BE) 2015/1222, Neni 2 të Direktivës (BE) 2019/944, dhe në Rregulloren (BE) 2016/1719.
2. Përveç kësaj, do të zbatohen përkufizimet e mëposhtme:

Filial nënkupton, në lidhje me çdo person, apo çdo subjekt tjetër që drejtpërdrejt ose tërthorazi kontrollon, kontrollohet ose është nën kontroll të përbashkët direkt ose indirekt me atë person sikurse përcaktohet kuptimi i kontrollit në Rregulloren e BE-së (KE) nr. 139/2004 të datës 20 janar 2004 për kontrollin e përqendrimeve midis ndërmarrjeve ose në legjislacionin e ngjashëm kombëtar;

Rregullorja e Alokimit në Hije

Platforma e Alokimit nënkupton një ent të emëruar dhe autorizuar nga Operatori(operatorët) e Sistemit të Transmetimit përgjegjës për të vepruar në emër të tyre dhe në emër të vet duke qenë një platformë e vetme alokimi ose platformë(a) rajonale për shpërndarjen e Kapacitetit Ditor Ndërzonal përmes Ankandeve Hije sikurse përcaktohet në Marrëveshjen e Pjesëmarrjes;

Specifikimi i Ankandit nënkupton një listë me karakteristikat specifike të një ankandi Hije të caktuar, përfshirë këtu natyrën e produkteve të ofruara dhe datat përkatëse;

Mjedisi i Ankandit nënkupton sistemin e teknologjisë së informacionit që përdoret nga Platforma e Alokimit për të kryer Ankande dhe për të lehtësuar procedurat e tjera të përshkruara në Rregulloren e Alokimit Hije;

Garancia Bankare nënkupton një letër krediti gatishmërie të pakushtëzuar dhe të pakthyeshme ose letër garancie të lëshuar nga një bankë;

Ofertë nënkupton çiftin e Sasisë së Ofertës dhe Çmimin e Ofertës së ofruar nga një pjesëmarrës i regjistruar që merr pjesë në Ankand;

Çmimi i Ofertës nënkupton çmimin që një pjesëmarrës i regjistruar është i gatshëm të paguajë për një (1) MW dhe orë të të Drejtave Ditore të Transmetimit;

Sasia e Ofertës nënkupton sasinë e të Drejtave Ditore të Transmetimit në MW të kërkuar nga një pjesëmarrës i regjistruar;

Periudha e Ofertimit nënkupton periudhën kohore brenda së cilës Pjesëmarrësit e Regjistruar që dëshirojnë të marrin pjesë në një ankand mund të dorëzojnë ofertat e tyre;

Llogaria e Biznesit nënkupton një llogari të dedikuar depozite të hapur nga Platforma e Alokimit me qëllim të sigurimit të kolateraleve në formën e depozitës në para nga pjesëmarrësit e regjistruar, e cila mund të përdoret për pagesa nga pjesëmarrësi i regjistruar;

Identifikimi i Marrëveshjes së Kapacitetit (CAI) nënkupton kodin unik të identifikimit të caktuar për çdo të drejtë të transmetimit fizik nga mjeti i ankandit gjatë ankandit Hije. Kodi i identifikimit përdoret edhe kur përdorimi i të Drejtës Fizike të Transmetimit u propozohet Operatorëve të Sistemit të Transmetimit;

Limiti i Kreditit nënkupton shumën e kolateraleve që mund të përdoren për të mbuluar çdo dorëzim të Ofertës në Ankandet e mëvonshme dhe nuk përdoret për detyrimet e papaguara të pagesës;

E Drejta Ditore e Transmetimit nënkupton, për qëllimet e Rregullores së Alokimit Hije, një të Drejtë Fizike Transmetimi të fituar në Ankandin Hije;

Bashkimi i Tregut të Ditës në Avancë nënkupton procesin e ankandit ku porositë e mara përputhen dhe kapaciteti ndërzonal ndahet njëkohësisht për zona të ndryshme ofertimi në tregun e ditës në avancë;

Kodi EIC nënkupton Skemën e Kodimit të identifikimit të energjisë të ENTSO-E që identifikon palët në një tregti ndërkufitare;

Ankandi Rezervë nënkupton procesin me të cilin Platforma e Alokimit i atribuon kapacitetet një Pjesëmarrësi të Regjistruar në rast se është aktivizuar modaliteti rezervë;

Forcë madhore nënkupton çdo ngjarje ose situatë të paparashikueshme, të pazakontë e përtej kontrollit të arsyeshëm të një Pale dhe/ose Operatorëve përkatës të Sistemit të Transmetimit, dhe jo për shkak të fajit të Palës dhe/ose Operatorëve përkatës të Sistemit të Transmetimit, e cila nuk mund të shmanget ose kapërcehet me largpamësi dhe kujdes të arsyeshëm, e cila nuk mund të zgjidhet me masa të cilat nga pikëpamja teknike, financiare ose ekonomike janë në mënyrë të arsyeshme të mundshme për Palën dhe/ose operatorët përkatës të sistemit të transmetimit, e cila ka ndodhur realisht dhe është objektivist e verifikueshme dhe që bën të pamundur që Pala dhe/ose Operatorët përkatës të Sistemit të Transmetimit të përmbushin, përkohësisht ose përgjithmonë, detyrimet e tyre;

Rregullat e Sistemit të Informacionit nënkuptojnë termat dhe kushtet për aksesin dhe përdorimin e Mjedisit të Ankandit nga Pjesëmarrësit e Regjistruar siç janë publikuar në faqen e internetit të Platformës së Alokimit;

Çmimi Marxhinal nënkupton çmimin e përcaktuar në një ankand të caktuar për t'u paguar nga të gjithë Pjesëmarrësit e Regjistruar për çdo MW dhe orë të së Drejtës Ditore të fituar të Transmetimit;

Autoritetet Rregullatore Kombëtare nënkupton autoritetet rregullatore të referuara në nenin 35(1) të Direktivës 2009/72/KE ose, siç mund të jetë rasti, legjislacioni i ngjashëm kombëtar;

Nominimi nënkupton njoftimin e përdorimit të Kapacitetit Ndërzonal nga një mbajtës i të Drejtave Fizike të Transmetimit dhe, nga kundërpala e tij, ose një palë e tretë e autorizuar, për Operatorin(ët) përkatës të Sistemit të Transmetimit;

Rregullat e Nominimit nënkupton rregullat për njoftimin e përdorimit të të drejtave të transmetimit tek Operatori(ët) përkatës të Sistemit të Transmetimit;

Marrëveshja e Pjesëmarrjes nënkupton marrëveshjen, me anë të së cilës Palët marrin përsipër të respektojnë termat dhe kushtet për alokimin e kapaciteteve në përputhje me Rregulloren e Alokimit Hije;

Pala/Palët nënkupton Platformën e Alokimit dhe/ose një Pjesëmarrës të Regjistruar referuar më vete si Pala ose së bashku si Palë;

E Drejta e Transmetimit Fizik nënkupton një të drejtë që i jep mbajtësit të saj të drejtën për të transferuar fizikisht një vëllim të caktuar të energjisë elektrike në një periudhë të caktuar kohore ndërmjet dy Zonave Ofertuese në një drejtim të caktuar;

Periudha e Produktit nënkupton kohën dhe datën në të cilën fillon e drejta për të përdorur të Drejtën Ditore të Transmetimit dhe kohën dhe datën në të cilën përfundon e drejta për të përdorur të Drejtën Ditore të Transmetimit;

Pjesëmarrës i Regjistruar nënkupton një pjesëmarrës tregu i cili ka lidhur një Marrëveshje Pjesëmarrjeje me Platformën e Alokimit;

Dokumenti i të Drejtave nënkupton dokumentin që përmban informacionin për sasinë

Rregullorja e Alokimit në Hije

maksimale të të Drejtave të Transmetimit Fizik (të identifikuar nga CAI) që mund të emërohet nga një pjesëmarrës tregu për kufirin e zonës së ofertimit në ditë/orë/drejtimit duke marrë parasysh vëllimin e të Drejtave Ditore të Transmetimit të fituara fillimisht dhe reduktimet e mundshme që kanë ndodhur para lëshimit të Dokumentit të të Drejtave;

Rregullorja e Alokimit Hije nënkupton rregulloren për procedurën rezervë për alokimin e Kapacitetit Ndërzonal në kornizën kohore të tregut të ditës pasuese të aplikuara nga Platforma e Alokimit;

Ankandi Hije nënkupton ankandin explicit të organizuar nga platforma(at) e alokimit me anë të të cilit Kapaciteti Ditor Ndërzonal ofrohet si procedurë rezervë për bashkimin e tregut të ditës në avancë dhe u ndahet pjesëmarrësve të tregut që paraqesin oferta(t);

Përdore ose Humbe (UIOLI) nënkupton një aplikim automatik me të cilin Kapaciteti Ditor Ndërzonal i të Drejtave të Transmetimit Fizik të pa-nominuar i kthehet në mënyrë të pakthyeshme OST(ve) përkatëse dhe mbajtësit e të Drejtave të Transmetimit që nuk nominojnë të përdorin të drejtat nuk kanë të drejtë të marrin pagesë;

Ditë Pune nënkupton ditët kalendarike nga e hëna në të premte, me përjashtim të festave publike siç specifikohet në faqen e internetit të Platformës së Alokimit;

Orari i Punës nënkupton orët e përcaktuara në Marrëveshjen e Pjesëmarrjes.

3. Në këtë Rregullore të Alokimit Hije, përveç rasteve kur konteksti kërkon ndryshe:
 - (a) çdo referencë për fjalën kufi të Zonës së Ofertimit mund të mbulojë të gjithë interkoneksionet së bashku ose më vete, ose një nëngrup interkoneksionesh në këtë kufi të Zonës së Ofertimit, sikurse specifikohet në Shtojcën 1 të Rregullores së Alokimit Hije;
 - (b) njëjësi tregon shumësin dhe anasjelltas;
 - (c) referencat për një gjini përfshijnë të gjitha gjinitë e tjera;
 - (d) tabela e lëndës, titujt dhe shembujt janë futur vetëm për lehtësi dhe nuk ndikojnë në interpretimin e Rregullores së Alokimit Hije;
 - (e) fjala “përfshirë” dhe variacionet e saj duhet të interpretohen pa kufizim;
 - (f) çdo referencë në legjislacion, rregullore, direktivë, urdhër, instrument, kod ose ndonjë akti tjetër do të përfshijë çdo modifikim, zgjerim ose ri-miratim të tij kur është në fuqi;
 - (g) çdo referencë për marrëveshje apo dokument tjetër, ose ndonjë akt ose instrument tjetër duhet të interpretohet si referencë ndaj asaj marrëveshjeje ose dokumenti, akti apo instrumenti tjetër të amenduar, ndryshuar, plotësuar, zëvendësuar ose rinovuar herë pas here;
 - (h) referenca për orën është referencë për orën zonale CET/CEST, përveç nëse specifikohet ndryshe; dhe
 - (i) kur Platformës së Alokimit i kërkohet të publikojë informacion sipas kësaj Rregullorjeje të Alokimit Hije, duhet ta bëjë duke i vënë informacionin ose të dhënat

Rregullorja e Alokimit në Hije

e disponueshme në faqen e saj të internetit dhe/ose nëpërmjet Mjedisit të Ankandit.

Neni 3 Platforma e Alokimit

1. Platforma e Alokimit do të ndërmarrë funksionet e alokimit në përputhje me Rregulloren e Alokimit Hije, legjislacionin në fuqi të Bashkimit Evropian ose aktet ligjore në fuqi të Komunitetit të Energjisë dhe/ose legjislacionin kombëtar në fuqi të një ose më shumë vendesh kufitare të Zonës Ofertuese.
2. Platforma e Alokimit zhvillon Ankandin Hije për mosdisponueshmërinë e paparashikuar dhe të parashikuar të bashkimit të tregut të ditës në avancë në kufijtë përkatës të Zonës së Ofertimit. Ajo kryen procesin e regjistrimit, trajton menaxhimin e nevojshëm të riskut financiar, përgatit dhe kryen Alokimet Hije, siguron të gjithë informacionin e nevojshëm për Pjesëmarrësit e Regjistruar dhe OST-të dhe mbledh pagesat dhe/ose paguan sipas Rregullores së Alokimit Hije.
3. Për qartësim, Platforma e Alokimit hyn në një marrëdhënie kontraktuale me Pjesëmarrësit e Regjistruar. Caktimi i një Platforme të re Alokimi nuk ndikon në të drejtat dhe detyrimet që rrjedhin nga Rregullorja e Alokimit Hije.
4. Për qëllimet e Rregullores së Alokimit Hije, Platforma e Alokimit është pala që nënshkruan Marrëveshjen e Pjesëmarrjes me Pjesëmarrësin e Regjistruar.
5. Për qëllimin e Marrëveshjes së Pjesëmarrjes me Pjesëmarrësin e Regjistruar, Platforma e Alokimit publikon një version të konsoliduar të Rregullores së Alokimit Hije pasi të hyjë në fuqi në përputhje me regjimet rregullatore kombëtare në fuqi. Në rast të një konflikti midis versionit të konsoliduar nga Platforma e Alokimit dhe Rregullores së Alokimit Hije të hyrë në fuqi në përputhje me regjimet rregullatore kombëtare të zbatueshme, mbizotëron kjo e fundit.

Neni 4 Data e hyrjes në fuqi dhe aplikimi

1. Rregullorja e Alokimit Hije hyn në fuqi në përputhje me regjimin rregullator kombëtar të zbatueshëm dhe në datën e shpallur nga Platforma e Alokimit.
2. Rregullorja e Alokimit Hije i nënshtrohet legjislacionit që mbizotëron në kohën kur ato hyjnë në fuqi. Në rast se ka një ndryshim në legjislacion ose veprim nga autoritetet kompetente në nivel kombëtar ose të Bashkimit Evropian që ndikon mbi Rregulloren e Alokimit Hije, atëherë, pavarësisht nga dispozitat e tjera të Rregullores së Alokimit Hije, Rregullorja e Alokimit Hije do të ndryshohen përkatësisht dhe sipas nenit 52.
3. Në rast të një mospërputhjeje ndërmjet Rregullores së Alokimit Hije dhe Rregullores së Nominimit, për çështjet që kanë të bëjnë me zbatimin e Ankandeve Hije në përputhje me Rregulloren e Alokimit Hije, mbizotëron Rregullorja e Alokimit Hije.
4. Aktivitetet e Platformës së Alokimit mbulojnë juridiksionet ku OST-të nga Bashkimi Evropian, OST nga palët kontraktuese të Traktatit të Komunitetit të Energjisë dhe nga një ose më shumë vende të tjera. Referencat për (a) OST ose Operatorin e Sistemit të Transmetimit përfshijnë si rrjedhim referenca për OST-të e BE-së, operatorët e sistemit të transmetimit nga palët

Rregullorja e Alokimit në Hije

kontraktuese të Traktatit të Komunitetit të Energjisë, si dhe operatorët e sistemit të transmetimit nga çdo vend tjetër për të cilin shërbimet ofrohen nga Platforma e Alokimit, dhe (b) ARRK ose Autoriteti Rregullator Kombëtar përfshin referenca ndaj ARRK-ve të Bashkimit Evropian, ose ARRK-ve nga palët kontraktuese të Traktatit të Komunitetit të Energjisë, apo rregullatorëve të vendeve të tjera që kanë juridiksion mbi OST-në përkatëse ose Platformën e Alokimit.

Kërkesat dhe procesi për pjesëmarrje në Ankandet Hije

Neni 5

Dispozitë e Përgjithshme

1. Pjesëmarrësit e tregut mund të fitojnë një të Drejtë Transmetimi në kuadrin e tregut të ditës në avancë nëpërmjet Ankandeve Hije vetëm nëse Ankandet Hije nisen nga procedura rezervë.
2. Pjesëmarrja në Ankandet Hije kërkon që pjesëmarrësi i tregut:
 - (a) të lidhë një Marrëveshje Pjesëmarrjeje të vlefshme dhe efektive në përputhje me nenet 6 deri në 13; dhe
 - (b) të ketë akses në Mjedisin e Ankandit në përputhje me Nenin 14.
3. Pjesëmarrja në Ankandet Hije kërkon që pjesëmarrësit e tregut, përveç kushteve të parashikuara në paragrafin e mëparshëm, të plotësojnë edhe kushtet e mëposhtme:
 - (a) të jenë në përputhje me kërkesat për sigurimin e kolateraleve siç specifikohet në KREUN 3; dhe
 - (b) të pranojnë kushte financiare shtesë kur nevojiten në përputhje me Nenin 15.
4. Në çdo rast, pjesëmarrësit e tregut duhet të përmbushin detyrimet e përcaktuara në krerët përkatës të Rregullores së Alokimit Hije.

Neni 6

Lidhja e Marrëveshjes së Pjesëmarrjes

1. Për të qenë palë në një Marrëveshje Pjesëmarrjeje, pjesëmarrësit e tregut mund të aplikojnë, të paktën nëntë (9) ditë pune para pjesëmarrjes së parë në një Ankand Hije, duke dorëzuar në Platformën e Alokimit dy (2) kopje të nënshkuara të Marrëveshjes së Pjesëmarrjes, në rastin e nënshkrimeve të shkruara me dorë sikurse publikohen në faqen e internetit të Platformës së Alokimit, së bashku me të gjithë informacionin dhe dokumentet e plotësuara të kërkuara nga Nenet 7 deri 14. Marrëveshja e Pjesëmarrjes nënshkruhet në mënyrë alternative me nënshkrim(a) të shkruar me dorë ose nënshkrim(t) elektronik të kualifikuar (QES). Platforma e Alokimit e vlerëson plotësinë e informacionit të dorëzuar në përputhje me Nenet 8 dhe 11 brenda shtatë (7) ditësh pune nga marrja e Marrëveshjes së Pjesëmarrjes të nënshkuar.
2. Platforma e Alokimit para skadimit të afatit prej shtatë (7) ditësh pune i kërkon pjesëmarrësit të tregut të sigurojë informacionin e rëndësishëm që pjesëmarrësi i tregut nuk e ka dorëzuar së bashku me Marrëveshjen e tij të Pjesëmarrjes. Pas marrjes së informacionit të rëndësishëm, Platforma e Alokimit e shqyrton informacionin brenda shtatë (7) ditësh pune shtesë dhe e njofton pjesëmarrësin e tregut nëse kërkohet informacion i mëtejshëm.
3. Pasi Platforma e Alokimit të ketë marrë të gjithë informacionin e nevojshëm, ajo i kthen një kopje të Marrëveshjes së Pjesëmarrjes të nënshkuar prej saj pjesëmarrësit të tregut pa vonesa të panevojshme. Nënshkrimi i Marrëveshjes së Pjesëmarrjes nga Platforma e Alokimit nuk tregon në vetvete pajtueshmërinë me ndonjë kusht tjetër të vendosur në Rregulloren e

Rregullorja e Alokimit në Hije

Alokimit Hije për pjesëmarrjen në Ankandet Hije. Marrëveshja e Pjesëmarrjes hyn në fuqi në datën e nënshkrimit nga Platforma e Alokimit.

4. Është përgjegjësi e çdo pjesëmarrësi të tregut të sigurojë që është në përputhje me legjislacionin kombëtar dhe, sipas rastit, me legjislacionin ose aktet ligjore të Bashkimit Evropian të Komunitetit të Energjisë, duke përfshirë kërkesat e autoriteteve kompetente përkatëse, dhe se i ka marrë të gjitha autorizimet e nevojshme për pjesëmarrje në Ankandet Hije.
5. Në rast se pjesëmarrësi i tregut është tashmë pjesëmarrës i regjistruar në Platformën e Alokimit, ai duhet vetëm të plotësojë kërkesat e munguara/shtesë të përshkruara në Rregulloren e Alokimit Hije duke respektuar specifikat e paragrafit të mëparshëm të këtij neni.

Neni 7

Forma dhe përmbajtja e Marrëveshjes së Pjesëmarrjes

1. Forma e Marrëveshjes së Pjesëmarrjes dhe kërkesat për plotësimin e saj publikohen nga Platforma e Alokimit dhe mund të ndryshohen herë pas here prej saj pa ndryshuar asnjë term dhe kusht të specifikuar në Rregulloren e Alokimit Hije, përveç rasteve kur përcaktohet ndryshe në Rregulloren e Alokimit Hije.
2. Marrëveshja e Pjesëmarrjes i kërkon minimalisht pjesëmarrësit të tregut që:
 - (a) të sigurojë të gjithë informacionin e nevojshëm në përputhje me Nenin 8 dhe Nenin 11; dhe
 - (b) të pranojë detyrimin ligjor dhe të pajtohet me Rregulloren e Alokimit Hije.
3. Platformën e Alokimit dhe Pjesëmarrësin e Regjistruar nuk i pengon asgjë nga Rregullorja e Alokimit Hije për të rënë dakord në Marrëveshjen e Pjesëmarrjes për rregulla shtesë, jashtë fushëveprimit të Rregullores së Alokimit Hije.
4. Në rast vështirësie në interpretim, kontradikte apo paqartësie midis Rregullores së Alokimit Hije dhe Marrëveshjes së Pjesëmarrjes, teksti i Rregullores të Alokimit Hije do të mbizotërojë.

Neni 8

Dorëzimi i informacionit

1. Pjesëmarrësi i tregut paraqet informacionin e mëposhtëm së bashku me Marrëveshjen e plotësuar dhe nënshkruar të Pjesëmarrjes:
 - (a) emrin dhe adresën e regjistruar të pjesëmarrësit në treg, përfshirë emailin e përgjithshëm dhe numrin e telefonit të pjesëmarrësit në treg për njoftimet sipas Nenit 58.
 - (b) nëse pjesëmarrësi i tregut është person juridik, një ekstrakt të regjistrimit të pjesëmarrësit të tregut në regjistrin tregtar të autoritetit kompetent;
 - (c) të dhënat e kontaktit dhe emrat e personave të autorizuar për të përfaqësuar pjesëmarrësin në treg dhe funksionin përkatës;
 - (d) Numrin e regjistrimit të TVSH-së së BE-së ose informacionin e ngjashëm të identifikimit tatimor ku TVSH-ja e BE-së nuk zbatohet;

Rregullorja e Alokimit në Hije

- (e) Taksat dhe tatimet që duhet të merren parasysh për faturat dhe llogaritjet e kolateralit;
 - (f) Kodin e Identifikimit të Energjisë (EIC);
 - (g) informacionin e llogarisë bankare për pagesën ndaj aplikantit që do të përdoret nga Platforma e Alokimit për qëllimet e Nenit 49 paragrafi 7;
 - (h) personin e kontaktit financiar për kolateralet, çështjet e faturimit dhe pagesave, dhe të dhënat e kontaktit të tij (email dhe numrin e telefonit) për njoftimet kur kërkohet nga Rregullorja e Alokimit Hije sipas Nenit 58;
 - (i) personin e kontaktit tregtar dhe të dhënat e tij të kontaktit (email dhe numrin e telefonit) për njoftimet kur kërkohet nga Rregullorja e Alokimit Hije sipas Nenit 58;
 - (j) personin e kontaktit operacional dhe të dhënat e kontaktit të tij (email dhe numër telefoni) për njoftimet kur kërkohet nga Rregullorja e Alokimit Hije sipas Nenit 58; dhe
2. Një Pjesëmarrës i Regjistruar garanton që të gjitha të dhënat dhe informacionet e tjera që i jep Platformës së Alokimit në përputhje me Rregulloren e Alokimit Hije (duke përfshirë informacionin në Marrëveshjen e tij të Pjesëmarrjes) janë dhe mbeten të sakta dhe të plotë në të gjitha aspektet materiale dhe njofton menjëherë Platformën e Alokimit për ndryshimet.
 3. Pjesëmarrësi i Regjistruar njofton Platformën e Alokimit nëse ka ndonjë ndryshim në informacionin e paraqitur në përputhje me paragrafin 1 të këtij Neni, të paktën nëntë (9) ditë pune para se ndryshimi të hyjë në fuqi dhe, kur kjo nuk është e mundur, menjëherë pasi Pjesëmarrësi i Regjistruar merr dijeni për ndryshimin.
 4. Platforma e Alokimit konfirmon regjistrimin e ndryshimit ose i dërgon njoftim refuzimi të regjistrimit për ndryshimin e Pjesëmarrësit të Regjistruar, maksimumi shtatë (7) ditë pune pas marrjes së njoftimit përkatës të ndryshimit. Njoftimi i konfirmimit ose refuzimit dërgohet nëpërmjet mjeteve elektronike siç specifikohet nga Platforma e Alokimit në faqen e saj të internetit. Nëse Platforma e Alokimit refuzon të regjistrojë ndryshimin, arsyeja jepet në njoftimin e refuzimit.
 5. Ndryshimi bëhet i vlefshëm në ditën e dorëzimit të konfirmimit tek Pjesëmarrësi i Regjistruar.
 6. Nëse kërkohet informacion shtesë nga një Pjesëmarrës i Regjistruar si pasojë e një amendimi të Rregullores së Alokimit Hije, atëherë Pjesëmarrësi i Regjistruar dorëzon informacionin shtesë në Platformën e Alokimit brenda dymbëdhjetë (12) ditësh pune pas kërkesës për një dorëzim të tillë nga Platforma e Alokimit.

Neni 9 Garancitë

1. Me nënshkrimin e Marrëveshjes së Pjesëmarrjes, pjesëmarrësi i tregut garanton që:
 - (a) nuk ka filluar asnjë procedurë për të kërkuar gjykim të paaftësisë paguese ose falimentimit apo ndonjë lehtësim tjetër në përputhje me ligjet për paaftësinë paguese ose falimentimin, apo ligje të tjera të ngjashme që prek të drejtat e kreditorëve;
 - (b) nuk ka filluar asnjë proces paaftësie paguese, falimentimi ose procese të tjera të ngjashme ligjore që prekin të drejtat e kreditorëve në lidhje me aplikantin;

Rregullorja e Alokimit në Hije

- (c) nuk ka filluar asnjë proces mbylljeje ose likuidimi në lidhje me aplikantin; dhe
- (d) nuk ka detyrime pagese të vonuara ndaj Platformës së Alokimit.

Neni 10 Llogari Biznesi e Dedikuar

Si pjesë e dorëzimit të informacionit në përputhje me Nenet 6 dhe 8, në dispozicion të pjesëmarrësit në treg vihet një Llogari Biznesi e Dedikuar për qëllime të depozitimit të kolateraleve në para dhe/ose për qëllime të kryerjes së pagesave në bazën e përshkruar në Nenin 49.

Neni 11 Pranimi i Rregullave të Sistemit

Me nënshkrimin e Marrëveshjes së Pjesëmarrjes, pjesëmarrësi i tregut pranon Rregulloren e Sistemit në fuqi për operim, të ndryshuar herë pas here dhe të publikuar në faqen e internetit të Platformës së Alokimit.

Neni 12 Kostot lidhur me Marrëveshjen e Pjesëmarrjes

Të gjitha aplikimet për t'u bërë Pjesëmarrës i Regjistruar dhe pjesëmarrjet e mëvonshme në Ankandet Hije do të jenë me koston, shpenzimet dhe riskun e vetë Pjesëmarrësit të Regjistruar. Platforma e Alokimit nuk mban përgjegjësi ndaj asnjë personi për asnjë kosto, dëmtim ose shpenzim në lidhje me Pjesëmarrësin e Regjistruar që merr pjesë në Ankandet Hije, përveç rasteve kur përcaktohet shprehimisht ndryshe në Rregulloren e Alokimit Hije.

Neni 13 Refuzimi i aplikimit

Platforma e Alokimit mund të refuzojë lidhjen e një Marrëveshjeje Pjesëmarrjeje me pjesëmarrësin e tregut në rrethanat e mëposhtme:

- (a) kur aplikanti nuk ka dorëzuar një Marrëveshjeje Pjesëmarrjeje të plotësuar dhe të nënshkruar siç duhet në përputhje me Nenet 6, 7 dhe 8; ose
- (b) Platforma e Alokimit ka zgjidhur më parë një Marrëveshjeje Pjesëmarrjeje me aplikantin si rezultat i një shkeljeje të Marrëveshjes së Pjesëmarrjes nga Pjesëmarrësi i Regjistruar në përputhje me Nenin 56 (3) dhe (4) dhe përveç nëse rrethanat që çojnë në zgjidhjen e marrëveshjes kanë pushuar së ekzistuari ose Platforma e Alokimit është e kënaqur në mënyrë të arsyeshme që shkelja nuk do të ndodhë më; ose
- (c) nëse lidhja e një Marrëveshjeje Pjesëmarrjeje me aplikantin do të përbënte shkak që Platforma e Alokimit të shkelte ndonjë kusht të kërkesave të detyrueshme ligjore ose rregullatore; ose
- (d) nëse ndonjë nga garancitë e Pjesëmarrësit të Regjistruar sipas nenit 9 rezulton të jetë e pavlefshme ose e rreme;
- (e) nëse aplikanti është nën sanksione ekonomike dhe tregtare të cilat mund të kenë ndikim në Platformën e Alokimit.

*Neni 14
Aksesi në Mjedisin e Ankandit*

1. Platforma e Alokimit jep akses në Mjedisin e Ankandit pa pagesë nëse përmbushen kërkesat në vijim:
 - (a) Pjesëmarrësi i Regjistruar ka nënshkruar dhe dorëzuar formularin e plotësuar të përfshirë në Rregulloren e Sistemit të Informacionit që identifikon personin (at) për të cilin(ët) krijohet llogaria(të) e përdoruesit në Mjedisin e Ankandit; dhe
 - (b) Pjesëmarrësi i Regjistruar i ka përmbushur kërkesat për autentifikim sic kërkohen nga Rregullat e Sistemit të Informacionit të publikuar nga Platforma e Alokimit.
2. Platforma e Alokimit konfirmon krijimin e llogarisë së përdoruesit ose mund t'i dërgojë një njoftim refuzimi Pjesëmarrësit të Regjistruar, më së voni pesë (5) ditë pune pas marrjes së formularit përkatës të plotësuar dhe nënshkruar nga Pjesëmarrësi i Regjistruar. Njoftimi i konfirmimit ose refuzimit dërgohet nëpërmjet mjeteve elektronike siç specifikohet nga Platforma e Alokimit në faqen e saj të internetit.
3. Platforma e Alokimit dërgon njoftimin e refuzimit të arsyetuar nëse nuk përmbushen kërkesat e renditura në paragrafin 1 të këtij Neni dhe nuk jep akses në Mjedisin e Ankandit.

*Neni 15
Përmbledhja e kushteve financiare shtesë*

Platforma e Alokimit mund të zhvillojë dhe publikojë kushte financiare standarde shtesë që duhet të pranohen nga Pjesëmarrësit e Regjistruar. Këto kushte financiare shtesë mund të përfshijnë dispozita për të mundësuar kolaterale të përbashkët për procese të tjera të organizuara nga Platforma e Alokimit në përputhje me Marrëveshjen e Pjesëmarrjes, për sa kohë që këto kushte financiare shtesë përputhen me Rregulloren e Alokimit Hije.

*Neni 16
Kërkesat rregullatore dhe ligjore*

Është përgjegjësi e çdo pjesëmarrësi të tregut të sigurojë që është në përputhje me legjislacionin kombëtar dhe, sipas rastit, me legjislacionin ose aktet ligjore të Bashkimit Evropian të Komunitetit të Energjisë, duke përfshirë kërkesat e autoriteteve kompetente përkatëse, dhe se i ka marrë të gjitha autorizimet e nevojshme për pjesëmarrje në Ankandet Hije, ose në përdorimin e të Drejtave të Transmetimit Ditor.

Kolateralet

Neni 17

Dispozitat e përgjithshme

1. Pjesëmarrësit e Regjistruar ofrojnë kolaterale për të siguruar pagesat për Platformën e Alokimit që rezultojnë nga Ankandet Hije të të Drejtave të Transmetimit Ditor dhe, kur është e aplikueshme, pagesat e tjera të mundshme që duhet të paguhen sipas kushteve financiare shtesë në përputhje me Nenin 15.
2. Do të pranohen vetëm format e mëposhtme të kolateralit:
 - (a) Garanci Bankare;
 - (b) depozitë në para në një Llogari Biznesi të dedikuar.
3. Kolateralet mund të sigurohen në një nga format e përmendura në pikën 2 të këtij Neni ose një kombinim i këtyre formave, me kusht që Platforma e Alokimit të ketë të drejtën përfituese të kolateralit të plotë.
4. Limiti i Kreditit duhet të jetë gjithmonë më i madh ose i barabartë me zero.
5. Kolateralet do të jepen në Euro (€).

Neni 18

Forma e depozitës në para

Për kolateralet që jepen në formën e një depozite në para në një Llogari të dedikuar Biznesi vlejné kushtet e mëposhtme:

- (a) paratë depozitohen në një Llogari Biznesi të dedikuar në institucionin financiar të zgjedhur nga Platforma e Alokimit;
- (b) Llogaria e dedikuar e Biznesit hapet dhe përdoret sipas kushteve financiare shtesë në përputhje me Nenin 15;
- (c) deri në momentin e tërheqjes siç lejohet nga dispozitat e mëposhtme të Nenit 24, depozitimi i parave në Llogarinë e dedikuar të Biznesit i takon Pjesëmarrësit të Regjistruar nëse nuk përcaktohet ndryshe në kushtet financiare shtesë në përputhje me Nenin 15;
- (d) tërheqjet nga Llogaria e Dedikuar e Biznesit në përputhje me Nenin 22 dhe Nenin 24 mund të bëhen vetëm me udhëzim të Platformës së Alokimit;
- (e) Llogaria e dedikuar e Biznesit mund të përdoret edhe për shlyerje siç parashikohet në Nenin 49; dhe
- (f) interesi mbi shumën e depozituar në Llogarinë e Dedikuar të Biznesit rritet në përfitim të Pjesëmarrësit të Regjistruar, pas zbritjes së taksave dhe tarifave bankare, nëse ka.

Neni 19
Forma e Garancise Bankare

1. Kolateralet që jepen në formën e një garancie bankare duhet të jenë në përputhje me specifikimet e mëposhtme:
 - (a) Garancia Bankare jepet në formën e modelit të disponueshëm në faqen e internetit të Platformës së Alokimit dhe të përditësuar herë pas here ose në një formë që në thelb ndjek modelin;
 - (b) Garancia Bankare shkruhet në gjuhën angleze;
 - (c) Garancia Bankare mbulon të gjitha ankandet e organizuara nga Platforma e Alokimit sipas kushteve financiare shtesë në përputhje me Nenin 15;
 - (d) Garancia Bankare lejon tërheqje të pjesshme dhe të shumëfishta nga Platforma e Alokimit deri në shumën maksimale të garantuar;
 - (e) Garancia Bankare siguron pagesën me kërkesën e parë të Platformës së Alokimit. Gjithashtu, duhet të parashikojë që, nëse Platforma e Alokimit kërkon Garancinë Bankare, banka të paguajë automatikisht pa asnjë kusht tjetër përveç marrjes së kërkesës të dërguar me SWIFT nëpërmjet bankës ndërmjetëse që konfirmon se nënshkrimet në kërkesë janë në përputhje me ekzemplarët e mbajtur nga banka.
 - (f) Garancia Bankare është e parevokueshme, e pakushtëzuar dhe e patransferueshme;
 - (g) Garancia Bankare mund të përfshijë si mënyrë alternative nënshkrime me shkrim dore ose nënshkrime elektronike të kualifikuara (QES) nga banka emetuese. Në rast se Garancia Bankare nënshkruhet me nënshkrim(e) elektronik të kualifikuar (QES), të gjitha ndryshimet e mëposhtme do të nënshkruhen me nënshkrim(e) elektronik të kualifikuar (QES);
 - (h) banka që lëshon Garancinë Bankare duhet të jetë e themeluar në mënyrë të përhershme, duke përfshirë një degë në një shtet anëtar të BE-së, Zonën Ekonomike Evropiane, Palën Kontraktuese të Komunitetit të Energjisë, Vendin Vëzhgues të Komunitetit të Energjisë ose Zvicër dhe do të jetë e pranueshme për bankën e biznesit të Platformës së Alokimit;
 - (i) banka që lëshon garancinë bankare ose grupi financiar të cilit i përket duhet të ketë një vlerësim afatgjatë të kreditit prej jo më pak se BBB- nga Standard and Poor's Corporation, BBB- nga Fitch ose Baa3 nga Moody's Investors Service Inc. Nëse banka emetuese ose grupi financiar të cilit i përket banka emetuese, pushon së pasuri vlerësimin e kërkuar afatgjatë të kreditit, Pjesëmarrësi i Regjistruar brenda pesë (5) ditë pune duhet të paraqesë në Platformën e Alokimit një Garanci Bankare zëvendësuese nga një bankë në përputhje me kriterin afatgjatë të kërkuar, vlerësimin e kreditit ose zëvendësimin e Garancisë Bankare me depozitë. Nëse ka ulje të klasifikimit të institucioneve financiare në të gjithë industrinë, Platforma e Alokimit mund të hetojë se cilat janë standardet e reja dhe, sipas gjykimit të saj, nëse e sheh të nevojshme, të ulë vlerësimin e kërkuar për një periudhë të kufizuar kohore, duke informuar Operatorët e Sistemit të Transmetimit dhe duke u kërkuar që të informojnë Autoritetet Rregullatore Kombëtare.

Rregullorja e Alokimit në Hije

- (j) (banka që lëshon Garancinë Bankare nuk duhet të jetë filial i Pjesëmarrësit të Regjistruar për të cilin është lëshuar Garancia Bankare.
2. Garancia bankare duhet të përmbajë sa vijon:
- (a) një shumë maksimale të garantuar;
 - (b) identifikimin e Platformës së Alokimit si përfitues, siç specifikohet në faqen e internetit të Platformës së Alokimit;
 - (c) llogarinë bankare të Platformës së Alokimit, siç specifikohet në faqen e internetit të Platformës së Alokimit;
 - (d) adresën e bankës së Platformës së Alokimit, siç specifikohet në faqen e internetit të Platformës së Alokimit;
 - (e) identifikimin e plotë të Pjesëmarrësit të Regjistruar, duke përfshirë emrin, adresën, regjistrin tregtar/të shoqërisë;
 - (f) identifikimin e plotë të bankës siguroese; dhe
 - (g) afatin e vlefshmërisë.
3. Pjesëmarrësi i Regjistruar e dorëzon garancinë bankare së paku katër (4) ditë pune para mbylljes së periudhës së ofertimit të ankandit Hije, për të cilin do të përdoret si kolateral ose në të kundërt do të konsiderohet për Ankandet Hije pasuese.
4. Platforma e Alokimit e pranon Garancinë Bankare të dhënë nga Pjesëmarrësi i Regjistruar nëse ajo është dhënë në përputhje me specifikimet e përcaktuara në paragrafin 1 deri 2 të këtij Neni dhe, në rast se Garancia Bankare përfshin nënshkrim(et) me dorë, origjinali i Garancisë Bankare të merret nga Platforma e Alokimit.
5. Platforma e Alokimit e konfirmon pranimin e Garancisë Bankare ose i dërgon njoftim refuzimi Pjesëmarrësit të Regjistruar jo më vonë se të paktën katër (4) ditë pune pas marrjes së origjinalit të Garancisë Bankare. Njoftimi i konfirmimit ose refuzimit dërgohet nëpërmjet mjeteve elektronike siç specifikohet nga Platforma e Alokimit në faqen e saj të internetit. Njoftimi i refuzimit duhet të përfshijë arsyetimin e refuzimit.

Neni 20

Vlefshmëria dhe rinovimi i Garancisë Bankare

1. Kolateralet në formën e Garancisë Bankare janë të vlefshme për periudhën minimale deri në të paktën tridhjetë (30) ditë pas përfundimit të muajit kalendarik të Periudhës së Produktit.
2. Gjatë kësaj periudhe, Pjesëmarrësi i Regjistruar duhet t'i mbajë kolateralet në çdo kohë në formën e një garancie bankare e cila përfshin detyrimin e Pjesëmarrësit të Regjistruar për t'i zëvendësuar ose rinovuar ato sipas nevojës

Neni 21

Limiti i kreditit

1. Platforma e Alokimit llogarit dhe përditëson vazhdimisht Limitin e Kreditit të Pjesëmarrësve të

Rregullorja e Alokimit në Hije

Regjistruar për çdo Ankand pasues. Limiti i Kreditit do të jetë i barabartë me shumën e kolateraleve në vend minus çdo detyrim pagese të papaguar. Në rastin e një garancie bankare, kjo garanci bankare do të merret parasysh vetëm nëse plotësohen kërkesat e Nenit 20 për vlefshmërinë e saj për Ankandin Hije përkatës. Platforma e Alokimit e bën këtë informacion të disponueshëm për secilin Pjesëmarrës të Regjistruar individualisht përmes Mjedisit të Ankandit.

2. Detyrimet e papaguara llogariten sipas Nenit 47, duke iu nënshtruar rregullave shtesë të pikave 3 deri 4 të këtij Neni dhe Nenit 32.
3. Për qëllime të llogaritjes së Limitit të Kreditit, detyrimet e papaguara rriten për të përfshirë taksat dhe tatimet në fuqi, objekt i Nenit 48.
4. Detyrimet maksimale të pagesës për Pjesëmarrësin e Regjistruar që rezultojnë nga oferta(t) e tij e regjistruar në mbylljen e Periudhës së Ofertimit, të llogaritur sipas Nenit 32, konsiderohen përkohësisht si detyrimet e papaguara. Nga publikimi i rezultateve të Ankandit Hije, shuma e caktuar e njoftuar sipas nenit 34 paragrafi 3 (b) dhe (c) konsiderohet si detyrim i papaguar për llogaritjen e Limitit të Kreditit për çdo ankand të njëkohshëm dhe Limiti i Kreditit do të rishikohet bazuar në të Drejtat faktike të alokuara të Transmetimit Ditor.

Neni 22

Modifikimet e kolateraleve

1. Pjesëmarrësi i Regjistruar mund të kërkojë me shkrim rritje të kolateraleve në formën e një garancie bankare, ulje të kolateraleve në formën e një Garancie Bankare dhe/ose depozitim në para ose ndryshim të formës së kolateraleve në çdo kohë në përputhje me paragrafët 2 dhe 3 të këtij Neni.
2. Zvogëlimi i kolateraleve të një Pjesëmarrësi të Regjistruar lejohet vetëm nëse Limiti i Kreditit pas aplikimit të uljes së kërkuar të kolateraleve do të ishte më i madh ose i barabartë me zero.
3. Platforma e Alokimit e pranon modifikimin e kolateraleve nëse kërkesa për modifikimin e tyre është në përputhje me kushtin e përcaktuar në paragrafin 2 të këtij Neni në rast të uljes ose me kushtet e përcaktuara në Nenet 19 dhe 20 në rast të rritjes së kolateraleve në formën e një Garancie Bankare dhe në rast të ndryshimit të formës së kolateralit nga para në depozitë në Baranci Bankare.
4. Modifikimi i kolateraleve bëhet i vlefshëm dhe hyn në fuqi vetëm kur Platforma e Alokimit ka bërë modifikimin e kërkuar të kolateraleve të Pjesëmarrësit të Regjistruar brenda Mjedisit të Ankandit.
5. Platforma e Alokimit e vlerëson kërkesën për modifikimin e kolateraleve dhe konfirmon pranimin ose i dërgon njoftimin e refuzimit Pjesëmarrësit të Regjistruar, më së shumti dy (2) ditë pune pas marrjes së kërkesës. Njoftimi i konfirmimit ose refuzimit dërgohet nëpërmjet mjeteve elektronike siç specifikohet nga Platforma e Alokimit në faqen e saj të internetit. Njoftimi i refuzimit duhet të përfshijë arsyetimin e refuzimit.

Neni 23

Incidenti i kolateralit

1. Një Incident kolateral ndodh në rastet e mëposhtme:
 - (a) kolaterale janë të pamjaftueshme për të siguruar shumën e detyrimit për të Drejtat të

Rregullorja e Alokimit në Hije

Transmetimit Ditore të mbajtura nga një Pjesëmarrës i Regjistruar në datën e pagesës së radhës, siç përcaktohet në Nenin 49, duke marrë parasysh shumën dhe vlefshmërinë e kolateraleve; ose

- (b) kolaterale nuk mbahen në përputhje me Nenin 20, paragrafi 2; ose
 - (c) kolaterale nuk janë rikthyer pas një incidenti pagese në përputhje me Nenin 24 ose pasi është dhënë kolateral i ri që nuk është në përputhje me kushtet e specifikuar në Nenet 17(3), 18 dhe 19.
2. Platforma e Alokimit i njofton Pjesëmarrësit e Regjistruar për incidentin e kolateralit me mjete elektronike siç specifikohet nga Platforma e Alokimit në faqen e saj të internetit. Pjesëmarrësi i Regjistruar i rrit kolaterale të tij brenda dy (2) ditë pune nga dërgimi i njoftimit nëse kjo bëhet gjatë orarit të punës ose dy (2) ditë pune duke filluar nga dita e ardhshme e punës nëse dërgohet pas orarit të punës. Nëse kolaterale të dhëna nga Pjesëmarrësi i Regjistruar mbeten të pamjaftueshme pas kësaj periudhe, Platforma e Alokimit mund të pezullojë ose ta zgjidhë Marrëveshjen e Pjesëmarrjes në përputhje me Nenet 55 dhe 56.

Neni 24

Thirrjet për kolateral

1. Platforma e Alokimit ka të drejtë të kërkojë kolaterale të një Pjesëmarrësi të Regjistruar në rastin e një incidenti pagese të regjistruar në përputhje me Nenin 51.
2. Pjesëmarrësi i Regjistruar i rivendos kolaterale të tij pas incidentit të pagesës ose pas incidentit të kolateraleve duke ndjekur kushtet e përcaktuara në Nenet 17(3), 18 dhe 19, përveç rastit kur Marrëveshja e Pjesëmarrjes pezullohet ose zgjidhet në përputhje me Nenet 55 dhe 56.

Ankandi në Hije

Neni 25

Dispozitat e përgjithshme për Ankandet në Hije

1. Ankandet Hije mund të aktivizohen ose gjatë një sesioni të bashkimit të tregjeve të ditës në avancë kur ndodh një incident i paparashikueshëm ose mund të aktivizohen paraprakisht nëse dihet se bashkimi i tregjeve të ditës në avancë nuk do të jetë i disponueshëm për periudhat e ardhshme. Në secilin rast, Platforma e Alokimit njofton sa më shpejt që të jetë e mundur Pjesëmarrësit e Regjistruar të interesuar se Ankandet Hije mund të fillojnë.
2. Platforma e Alokimit do të alokojë të Drejtat e Transmetimit për Pjesëmarrësit e Regjistruar me anë të Alokimit explicit. Ankandet Hije organizohen nëpërmjet Mjedisit të Ankandit. Çdo Pjesëmarrës i Regjistruar që plotëson kërkesat për pjesëmarrje në Ankand Hije mund të bëjë Ofertat për kufijtë e Zonës së Ofertimit për të cilin ka të drejtë sipas Neneve 28 dhe 30.
3. Pasi të ketë skaduar afati përkatës për paraqitjen e ofertave në Ankandin specifik Hije, Platforma e Alokimit vlerëson ofertat duke përfshirë edhe limitet përkatëse të kreditit të pjesëmarrësve të regjistruar. Rezultatet e Ankandit në Hije do t'u njoftohen Pjesëmarrësve të Regjistruar nëpërmjet Mjedisit të Ankandit.

Neni 26

Procesi i Ankandit në Hije

1. Nëse Ankandet Hije aktivizohen gjatë një sesioni të bashkimit të tregjeve të ditës në avancë, ato mund të nisen paralelisht me zgjidhjen e problemit të bashkimit të tregjeve të ditës në avancë, por rezultatet e tyre merren parasysh vetëm nëse deklarohet një ndarje e bashkimit të tregjeve. Platforma e Alokimit informon Pjesëmarrësit e Regjistruar të interesuar se Ankandet Hije mund të fillojnë. Pjesëmarrësit e Regjistruar kanë mundësinë të futin ose modifikojnë ofertat e dorëzuara deri në mbyllje - afati i fundit për hyrjen e Ofertave në Ankandet Hije ditore. Platforma e Alokimit importon ofertat e paracaktuara të paraqitura për Ankandet Hije sipas nenit 30 dhe informon Pjesëmarrësit e Regjistruar për afatin e fundit për përditësimin e ofertave të tyre. Rezultatet e Ankandëve në Hije nuk publikohen në këtë moment. Nëse deklarohet përfundimisht shkëputja, Pjesëmarrësit e Regjistruar njoftohen për rezultatet e Ofertave të tyre sipas Nenit 34.

Nëse aktivizimi i Ankandëve Hije dihet paraprakisht për një ose disa sesione të bashkimit të tregjeve të ditës në avancë, Platforma e Alokimit informon sa më shpejt të jetë e mundur individualisht, me një email, Pjesëmarrësit e Regjistruar se Ankandet Hije kryhen me orarin e ri përkatës. Kapaciteti i ofruar për Ankandet në Hije dhe informacioni për orarin publikohen në specifikimin e Ankandit në faqen e internetit të Platformës së Alokimit siç specifikohet në Nenin 27 në mënyrë që t'u jepet mundësia pjesëmarrësve të përditësojnë ofertat e tyre sipas neneve 28, 29 dhe 30.

2. Platforma e Alokimit nuk mban përgjegjësi në asnjë rrethanë nëse nuk mund të kontaktojë Pjesëmarrësit e Regjistruar ose nëse nuk mund të publikojë një njoftim në faqen e saj të internetit.

Neni 27

Specifikimi i Ankandit

1. Specifikimi i Ankandit publikohet 15 minuta përpara hapjes së periudhës së ofertave.

Rregullorja e Alokimit në Hije

2. Nëse aktivizimi i ankandeve Hije njihet paraprakisht, Platforma e Alokimit informon sa më shpejt të jetë e mundur Pjesëmarrësit e Regjistruar për të cilat kryhen sesionet ditore dhe për të cilat Zona e Ofertimit kufizohet me Ankandet Hije.
3. Specifikimi i Ankandit përcakton në veçanti:
 - (a) kodin që identifikon Ankandin Hije në Mjedisin e Ankandit;
 - (b) identifikimin e kufirit(ve) të Zonës së Ofertimit ose një nëngrupi të Ndërlidhësve në kufirin e Zonës së Ofertimit dhe drejtimin e mbuluar;
 - (c) Periudhën e Produktit;
 - (d) Periudhën e Ofertimit e cila zgjat 15 minuta;
 - (e) afatin për publikimin e rezultateve të përkohshme të Ankandit Hije;
 - (f) periudhën e kontestimit në përputhje me Nenin 34;
 - (g) afatin e fundit për publikimin e rezultateve përfundimtare të Ankandit Hije;
 - (h) Kapacitetin e Ofruar; dhe
 - (i) çdo informacion ose term tjetër përkatës të zbatueshëm për produktin ose Ankandin Hije.

Neni 28 Dorëzimi i ofertave

1. Pjesëmarrësi i Regjistruar dorëzon një Ofertë ose grup Ofertash në Platformën e Alokimit në përputhje me kërkesat e mëposhtme:
 - (a) dorëzohet në mënyrë elektronike duke përdorur Mjedisin e Ankandit dhe gjatë periudhës së ofertimit siç specifikohet në Specifikimin e Ankandit;
 - (b) identifikon Ankandin Hije nëpërmjet një kodi identifikimi siç specifikohet në Nenin 27 paragrafi 2 (a);
 - (c) identifikon Pjesëmarrësin e Regjistruar që dorëzon Ofertën përmes kodit të tij EIC;
 - (d) identifikon kufirin e Zonave të Ofertimit dhe drejtimin për të cilin është dorëzuar Oferta;
 - (e) deklaron Çmimin e Ofertës i cili do të jetë i ndryshëm për secilën Ofertë të të njëjtit Pjesëmarrës të Regjistruar, pa taksë dhe tatime, në Euro për MW për një orë të Periudhës së Produktit, d.m.th. Euro/MW dhe orë, e shprehur në maksimumi dy (2) shifra dhjetore dhe të barabarta ose më të mëdha se zero;
 - (f) tregon Sasinë e Ofertës në MW të plotë e cila duhet të shprehet pa numra dhjetorë, shuma minimale e një Oferte të vetme është një (1) MW.
2. Pjesëmarrësi i Regjistruar mund ta modifikojë Ofertën e tij të regjistruar më parë ose grupin e Ofertave në çdo kohë gjatë Periudhës së Ofertimit duke përfshirë anulimin e saj. Në rast se

Rregullorja e Alokimit në Hije

Oferta është modifikuar, për përcaktimin e rezultateve të Ankandit Hije do të merret parasysh vetëm modifikimi i fundit i vlefshëm i Ofertës ose grupit të Ofertave.

3. Nëse Sasia e Ofertës, ose një sasi e llogaritur si shumë e Sasisë së Ofertës për disa Oferta të paraqitura për të njëjtin Ankand Hije gjatë Periudhës së Ofertimit nga një Pjesëmarrës i Regjistruar e tejkalon kapacitetin e ofruar të shpallur në Specifikimin e Ankandit, kjo Ofertë ose këto Oferta refuzohen plotësisht. Kur modifikimi i ofertave të dorëzuara më parë rezultojnë në tejkalimin e Kapacitetit të Ofruar, modifikimi refuzohet dhe Ofertat e regjistruara më parë mbeten në fuqi.

Neni 29

Regjistrimi i ofertës

1. Platforma e Alokimit nuk e regjistron Ofertën e cila:
 - (a) nuk përputhet me kërkesat e Nenit 28; ose
 - (b) është dorëzuar nga një Pjesëmarrës i Regjistruar i cili është pezulluar në përputhje me Nenin 55.
2. Me kushtin që një Ofertë ose një grup Ofertash t'i plotësojë kërkesat e përcaktuara në Nenin 28, Platforma e Alokimit do t'i konfirmojë Pjesëmarrësit të Regjistruar që Oferta(a) të tilla janë regjistruar saktë me një dëshmi të marrjes nëpërmjet Mjedisit të Ankandit. Nëse Platforma e Alokimit nuk lëshon dëshmi për marrjen e një Oferte, kjo Ofertë konsiderohet e paregjistruar.
3. Platforma e Alokimit e njofton Pjesëmarrësin e Regjistruar, Oferta e të cilit është refuzuar si e pavlefshme dhe i jep arsyen e këtij refuzimi pa vonesa të panevojshme pas refuzimit të Ofertës.
4. Platforma e Alokimit mban një regjistër të të gjitha Ofertave të vlefshme të pranuar.
5. Çdo Ofertë e vlefshme e regjistruar në mbyllje të Periudhës së Ofertimit përbën një Ofertë të pakushtëzuar dhe të përvokueshme nga Pjesëmarrësi i Regjistruar për të blerë të Drejtat e Transmetimit Ditor brenda Sasisë dhe Çmimit të Ofertës dhe sipas termave dhe kushteve të Rregullores së Alokimit Hije dhe Specifikimeve të Ankandit përkatës.

Neni 30

Oferta e paracaktuar

1. Pjesëmarrësi i Regjistruar që dëshiron të marrë pjesë në Ankandet Hije ka mundësinë të paraqesë Oferta të paracaktuara për Ankandet Hije.
2. Oferta e paracaktuar, pasi të identifikohet si e tillë nga Pjesëmarrësi i Regjistruar, zbatohet automatikisht për çdo Ankand Hije vijues përkatës, siç përcaktohet nga Pjesëmarrësi i Regjistruar kur bën Ofertën e paracaktuar. Në hapjen e periudhës Përkatëse të Ofertimit, Oferta e regjistruar e paracaktuar do të konsiderohet si Ofertë e dorëzuar nga Pjesëmarrësi i Regjistruar për Ankandin Hije përkatës. Kjo Ofertë konsiderohet si Ofertë e dorëzuar kur Platforma e Alokimit i dërgon një dëshmi të marrjes Pjesëmarrësit të Regjistruar.
3. Nëse Sasia e Ofertës së paracaktuar ose sasia e llogaritur si shuma e Sasisë së Ofertës për disa Oferta të paracaktuara të paraqitura për të njëjtin Ankand Hije nga një Pjesëmarrës i Regjistruar e tejkalon kapacitetin përfundimtar të ofruar, Ofertat me Çmimin më të ulët të Ofertës refuzohen një (1) nga një (1) derisa sasia totale e lejuar e Ofertës të jetë më e vogël ose e

Rregullorja e Alokimit në Hije

barabartë me Kapacitetin e Ofruar.

4. Pjesëmarrësi i Regjistruar i cili dëshiron të modifikojë një Ofertë të paracaktuar për një Ankand Hije të ardhshëm duhet të ndryshojë Sasinë e Ofruar dhe Çmimin e Ofertës të Ofertave të paracaktuara përpara hapjes së Periudhës së Ankandit Hije.
5. Pjesëmarrësi i Regjistruar i cili nuk dëshiron të dorëzojë ofertën e paracaktuar në Mjedisin e Ankandit për Ankandet Hije të ardhshme, mund t'i anulojë Ofertat e tij të paracaktuara përpara se të fillojë hapja e Periudhës së Ankandit Hije.

Neni 31

Oferta e paracaktuar për Ankand rezervë

Në rast se zhvillohet një Ankand rezervë në përputhje me Nenin 42, Ofertat e paracaktuara të dorëzuara deri në orën 14:00 D-2 do të përdoren si Oferta të paracaktuara për Ankand rezervë .

Neni 32

Verifikimi i Limitit të Kreditit

1. Me dorëzimin nga një Pjesëmarrës i Regjistruar i një Oferte ose një grupi Ofertash në Mjedisin e Ankandit, Platforma e Alokimit kontrollon nëse detyrimet maksimale të pagesës (MPO) që lidhen me ofertën(at) e regjistruara të atij Pjesëmarrësi të Regjistruar të llogaritura sipas paragrafëve 4 dhe 5 të këtij Neni në kohën e dorëzimit të Ofertave e tejkalojnë Limitin e Kreditit. Nëse detyrimi maksimal i pagesës në lidhje me ofertat e tilla të regjistruara e tejkalon Limitin e Kreditit, Platforma e Alokimit lëshon automatikisht nëpërmjet Mjedisit të Ankandit një paralajmërim për Pjesëmarrësin e Regjistruar që të modifikojë ofertat. Ofertat nuk refuzohen automatikisht nëse detyrimi maksimal i pagesës që i atribuohet ofertave të regjistruara e tejkalon Limitin e Kreditit në dorëzimin e Ofertës, por vetëm pas procesit të përshkruar në paragrafin 2 të këtij neni.
2. Në mbyllje të periudhës së tenderimit, Platforma e Alokimit kontrollon sërish nëse detyrimet maksimale të pagesës që lidhen me Ofertat e regjistruara të llogaritura sipas paragrafit 5 të këtij Neni e kalojnë Limitin e Kreditit. Nëse detyrimet maksimale të pagesës në lidhje me këto Oferta e tejkalojnë Limitin e Kreditit, këto oferta, duke filluar me Ofertën me çmimin më të ulët, përjashtohen një (1) nga një (1), derisa detyrimet maksimale të pagesës të jenë më të vogla ose të barabarta me Limitin e Kreditit.
3. Platforma e Alokimit i identifikon kolateralet e pamjaftueshme si arsye për përjashtimin e Ofertës nga njoftimi i rezultateve të Ankandit Hije ndaj Pjesëmarrësit të Regjistruar.
4. Platforma e Alokimit i vlerëson vazhdimisht të gjitha Ofertat, pavarësisht se në cilin Ankand Hije dhe në cilin kufi e drejtim të Zonës së Ofertimit janë dorëzuar. Në rastin e Ofertave të lidhura me Ankande të ndryshme dhe të mbivendosura, Platforma e Alokimit i konsideron të gjitha detyrimet maksimale të llogaritura të pagesës si detyrime pagese të papaguara sipas Nenit 21.
5. Për llogaritjen e detyrimeve maksimale të pagesës në lidhje me kufirin dhe drejtimin e një Zone të Ofertimit, Platforma e Alokimit i rendit Ofertat e regjistruara të një Pjesëmarrësi të Regjistruar sipas Çmimit të Ofertës në rend zbritës (meritë-porosi). Oferta 1 do të jetë Oferta me Çmimin e Ofertës më të lartë dhe Oferta n do të jetë Oferta me Çmimin e Ofertës më të ulët. Platforma e Alokimit i llogarit detyrimet maksimale të pagesës sipas ekuacionit të mëposhtëm:

$$MPO = \sum_{hours} MAX \left[BidPrice(1) * BidQuantity(1); BidPrice(2) * \sum_{i=1}^2 BidQuantity(i); \dots \right. \\ \left. \dots; BidPrice(n-1) * \sum_{i=1}^{n-1} BidQuantity(i); BidPrice(n) * \sum_{i=1}^n BidQuantity(i) \right]$$

6. Në llogaritjen e detyrimeve maksimale të pagesës sipas paragrafit 5 të këtij Neni, Platforma e Alokimit merr parasysh edhe rritjen e detyrimeve maksimale të pagesës me taksat dhe tatimet në fuqi sipas Nenit 48.

Neni 33

Përcaktimi i Rezultateve të Ankandit Hije

1. Pas mbarimit të Periudhës së Ofertimit për një Ankand Hije dhe verifikimit të Limitit të Kreditit në përputhje me Nenin 32, Platforma e Alokimit përcakton rezultatet e Ankandit Hije dhe ndan të Drejtat e Transmetimit Ditor në përputhje me këtë Nen.
2. Përcaktimi i rezultateve të Ankandit Hije përfshin sa më poshtë:
 - (a) përcaktimin e sasisë totale të të Drejtave të Transmetimit Ditore të alokuara sipas kufirit dhe drejtimit të Zonës së Ofertimit;
 - (b) identifikimin e Ofertave fituese për t'u përmbushur plotësisht ose pjesërisht; dhe
 - (c) përcaktimin e Çmimit Marxhinal për kufirin dhe drejtimin e Zonës së Ofertimit.
3. Platforma e Alokimit i përcakton rezultatet e Ankandit Hije duke përdorur një funksion optimizimi që synon maksimizimin e shumës së tepricës së Pjesëmarrësve të Regjistruar dhe të Ardhurave të Kongjestionit të krijuara nga Ofertat fituese duke respektuar kufizimet e funksionit të optimizimit në formën e Kapaciteteve përkatëse të Ofruara. Platforma e Alokimit publikon në faqen e saj të internetit informacion shpjegues shtesë mbi funksionin e optimizimit të algoritmit.
4. Platforma e Alokimit e përcakton Çmimin Marxhinal në çdo kufi dhe drejtim të Zonës së Ofertimit bazuar në kriteret e mëposhtme:
 - (a) nëse sasia totale e Kapacitetit Ndërzonal për të cilin janë dorëzuar Ofertat e vlefshme është më e ulët ose e barabartë me Kapacitetin përkatës të Ofruar për Ankandin Hije përkatës, atëherë Çmimi Marxhinal do të jetë zero;
 - (b) nëse sasia totale e Kapacitetit Ndërzonal për të cilin janë dorëzuar Ofertat e vlefshme tejkalon Kapacitetin përkatës të Ofruar për Ankandin Hije përkatës, Çmimi Marxhinal vendoset në Çmimin(Çmimet) e Ofertës(ofertave) më të ulët të alokuar plotësisht ose pjesërisht duke përdorur Kapacitetet përkatëse të Ofruara.
5. Nëse dy (2) ose më shumë Pjesëmarrës të Regjistruar kanë dorëzuar Oferta të vlefshme me të njëjtin Çmim Oferte për një kufi dhe drejtim Zone Ofertimi, që nuk mund të pranohen plotësisht për sasinë totale të kërkuar të të Drejtave të Transmetimit Ditor, Platforma e Alokimit përcakton Ofertat fituese dhe sasinë e të Drejtave të Transmetimit Ditor të alokuara për Pjesëmarrës të

Rregullorja e Alokimit në Hije

Regjistruar si më poshtë:

- (a) Kapaciteti Ndërzonal i disponueshëm për Ofertat që përcakton Çmimin Marxhinal ndahet në mënyrë të barabartë midis numrit të Pjesëmarrësve të Regjistruar që kanë dorëzuar këto Oferta;
 - (b) në rast se sasia e të Drejtave të Transmetimit Ditor të kërkuara nga një Pjesëmarrës i Regjistruar me Çmimin Margjinal është më e ulët ose e barabartë me pjesën e llogaritur sipas pikës (a) më sipër, kërkesa e këtij Pjesëmarrësi të Regjistruar do të plotësohet plotësisht;
 - (c) në rast se sasia e kërkuar e të Drejtave të Transmetimit Ditor nga një Pjesëmarrës i Regjistruar me Çmimin Marxhinal tejkalon pjesën e llogaritur sipas pikës (a) më sipër, kërkesa e këtij Pjesëmarrësi të Regjistruar do të plotësohet deri në shumën e aksionit të llogaritur sipas pikës (a) më sipër;
 - (d) çdo Kapacitet Ndërzonal i mbetur pas alokimit sipas pikave (b) dhe (c) pjesëtohet me numrin e Pjesëmarrësve të Regjistruar, kërkesat e të cilëve nuk janë përmbushur plotësisht dhe u ndahen atyre duke zbatuar procesin e përshkruar në pikat (a), (b) dhe (c) më sipër;
 - (e) çdo Kapacitet Ndërzonal i mbetur pas alokimit sipas pikës (d), ndahet duke përdorur kriteret e paraqitjes kronologjike (vula kohore).
6. Sa herë që llogaritja e përcaktuar në paragrafët 3 deri në 5 të këtij Neni nuk rezulton në sasi të plotë MW në përputhje me Nenin 28, paragrafi 1(f), të Drejtat e Transmetimit Ditor rrumbullakosen në MW-në e plotë më të afërt. Rasti kur të Drejtat e Transmetimit Ditor të alokuara për Pjesëmarrësit individualë të Regjistruar janë të barabarta me zero pas rrumbullakimit nuk ndikon në përcaktimin e Çmimit Marxhinal.

Neni 34

Njoftimi i Rezultateve të Ankandit Hije

1. Të Drejtat e Transmetimit konsiderohen se i janë alokuar një Pjesëmarrësi të Regjistruar që nga momenti kur Pjesëmarrësi i Regjistruar është informuar për rezultatet dhe, sipas rastit, jo më vonë se 30 minuta pasi rezultatet e përkohshme të Ankandit Hije janë njoftuar në përputhje me këtë Nen.
2. Platforma e Alokimit publikon në faqen e saj të internetit rezultatet e Ankandit Hije sapo të deklarohet përfundimisht ndarja e bashkimit të tregjeve, jo më vonë se ora 14:20 p.m. në ditën pasuese të dorëzimit dhe rezultatet e Ankandit Hije të jenë përcaktuar sipas Nenit 33. Për Ankandet Hije të njohura paraprakisht, rezultatet publikohen në përputhje me Nenin 27.
3. Publikimi i rezultateve të Ankandit Hije për çdo kufi të Zonës së Ofertimit dhe orë të ditës të përfshira në Ankandin Hije duhet të përmbajë të paktën të dhënat e mëposhtme:
 - (a) Të Drejtat e Transmetimit Ditor totale të kërkuara në MW;
 - (b) Të Drejtat e Transmetimit Ditor totale të alokuara në MW;
 - (c) Çmimin Marxhinal në Euro/MW për orë;

Rregullorja e Alokimit në Hije

- (d) numrin e Pjesëmarrësve të Regjistruar që marrin pjesë në Ankandin Hije;
 - (e) listën e emrave dhe numrin e Pjesëmarrësve të Regjistruar që kanë dorëzuar të paktën një Ofertë fituese në Ankandin Hije;
 - (f) listën e Ofertave të regjistruara pa identifikimin e Pjesëmarrësve të Regjistruar (kurba e ofertës); dhe
 - (g) Të Ardhurat e Kongjestionit nga Ankandet Hije për kufirin e Zonës së Ofertimit.
4. Në të njëjtën kohë me publikimin e rezultateve të Ankandit Hije, Platforma e Alokimit njofton nëpërmjet Mjedisit të Ankandit çdo Pjesëmarrës të Regjistruar që ka dorëzuar një Ofertë në një Ankand Hije specifik për çdo kufi të Zonës së Ofertimit të përfshirë në Ankandin Hije, të paktën të dhënat e mëposhtme:
- (a) të Drejtat e Transmetimit Ditor të alokuara për çdo orë të Periudhës së Produktit në MW;
 - (b) Çmimin Marxhinal në Euro/MW për orë; dhe
 - (c) shumën e pagueshme për të Drejtat e Transmetimit Ditor të alokuar në Euro (€), të rrumbullakosur në dy shifra dhjetore; dhe
 - (d) CAI-n e caktuar për të Drejtat e Transmetimit Ditor të alokuara.
5. Në rast se Mjeti i Ankandit nuk është i disponueshëm, Platforma e Alokimit do të informojë Pjesëmarrësit e Regjistruar për rezultatet e Ankandit Hije në përputhje me Nenin 6.
6. Për Ankandet në Hije të nxitura gjatë një intervali ditore të bashkimit të bashkimit të tregjeve të ditës në avancë nuk është i mundur asnjë kontestim i rezultateve të përkohshme të Ankandit Hije.
7. Për Ankandet në Hije të vendosura paraprakisht, Pjesëmarrësi i Regjistruar mund t'i kundërshtojë rezultatet e Ankandit në Hije brenda afatit të përcaktuar në specifikimin përkatës të Ankandit. Platforma e Alokimit duhet të shqyrtojë vetëm kontestimin ku pjesëmarrësi i regjistruar është në gjendje të demonstrojë një gabim nga Platforma e Alokimit në rezultatet e Ankandit në Hije.
8. Kontestimi do t'i njoftohet Platformës së Alokimit dhe do të titullohet si "Kontestimi".
9. Çdo kontestim duhet të përmbajë sa vijon:
- (a) Datën e kontestimit;
 - (a) identifikimin e Ankandit Hije të kontestuar;
 - (b) identifikimin e Pjesëmarrësit të Regjistruar;
 - (c) emrin, adresën e postës elektronike dhe numrin e telefonit të Pjesëmarrësit të Regjistruar;
 - (d) përshkrimin e detajuar të fakteve dhe arsyt e kontestimit; dhe
 - (e) dëshmi të rezultateve të gabuara të Ankandit Hije;

Rregullorja e Alokimit në Hije

10. Platforma e Alokimit i përgjigjet Pjesëmarrësit të Regjistruar jo më vonë se 1 orë pasi rezultatet e përkohshme të Ankandit në Hije u janë njoftuar Pjesëmarrësve të Regjistruar.
11. Në rast se nuk merret asnjë kontestim brenda afatit të përcaktuar në Specifikimin përkatës të Ankandit, rezultatet e përkohshme të Ankandit në Hije publikohen si përfundimtare dhe do të jenë të disponueshme në faqen e internetit të Platformës së Alokimit.

Përdorimi i të Drejtave të Transmetimit

Neni 35 Parime të përgjithshme

1. Të Drejtat e Transmetimit Fizik të alokuara në Ankandin Hije i nënshtrohen parimit “Përdore ose humbe” pa kompensim financiar.
2. Mbajtësi i të Drejtave të Transmetimit Fizik të alokuara mund t’i emërojë të Drejtat e Transmetimit Fizik për përdorimin e tij fizik në përputhje me Nenin 36.

Neni 36 Nominimi i të Drejtave të Transmetimit Fizik

1. Personat që kanë të drejtë të nominojnë të Drejta të Transmetimit Fizik duhet të përmbushin kërkesat e përshkruara në Rregulloren e Emërimit në fuqi. Personat e kualifikuar mund të jenë:
 - (a) mbajtësi i të Drejtave të Transmetimit Fizik;
 - (b) personi i njoftuar nga mbajtësi i të Drejtave të Transmetimit Fizik gjatë procesit të Nominimit tek Operatorët përkatës të Sistemit të Transmetimit në përputhje me Rregulloren përkatëse të Nominimit;
2. Platforma e Alokimit ofron në faqen e saj të internetit një përmbledhje të opsioneve të renditura në paragrafin 1 të këtij Neni, të cilat janë të zbatueshme në çdo kufi të Zonës Ofertuese.
3. Nominimi bëhet në përputhje me dokumentin e të drejtave të transmetimit.
4. Platforma e Alokimit do të publikojë në faqen e saj të internetit një listë me rregullat përkatëse të nominimit për kufijtë e zonës së ofertimit.
5. Afatet e Nominimit për kufijtë përkatës të zonës së ofertimit përcaktohen në rregulloren përkatëse të nominimit. Platforma e Alokimit publikon në faqen e saj të internetit informacion për afatet e nominimit për kufirin e zonës së ofertimit. Në rast të ndonjë mospërputhjeje midis afateve të publikuara nga Platforma e Alokimit dhe atyre të rregulloreve përkatëse të vlefshme dhe ligjërish të detyrueshme të nominimit, mbizotëron kjo e fundit dhe Platforma e Alokimit nuk mbahet përgjegjëse për asnjë dëmtim që rrjedh nga kjo mospërputhje.

Neni 37 Dokumenti i të Drejtave të Transmetimit Fizik

1. Dokumenti i të drejtave të transmetimit përmban informacion për vëllimin në MW që personat e kualifikuar kanë të drejtë të nominojnë në kufijtë dhe drejtimet të zonës së ofertimit specifike dhe për periudha orare.
2. Platforma e Alokimit e dërgon dokumentin e të drejtave të transmetimit çdo ditë dhe jo më vonë se tridhjetë (30) minuta pasi rezultatet e Ankandit në Hije t’i jenë njoftuar Pjesëmarrësit të regjistruar te personi i kualifikuar sipas Nenit 36, paragrafi 1 (a).

Neni 38

Rezervimi i të Drejtave të Transmetimit Fizik për shërbimet balancuese

Të drejtat e transmetimit fizik të fituara në Ankandet në Hije nuk janë objekt i rezervimit për shërbimet balancuese.

Procedura Rezervë

Neni 39

Dispozita të përgjithshme

1. Platforma e Alokimit, për aq sa është praktikisht e arsyeshme, organizon procedurën rezervë në rastet e mëposhtme të dështimit të një procesi standard:
 - (a) nëse nuk është e mundur teknikisht të mbahet një Ankand Hije, për shembull në rastet e mëposhtme:
 - nëse nuk është e mundur teknikisht të përdoret procedura standarde e shkëmbimit të të dhënave; ose
 - në rast se Platforma e Alokimit përballlet me pengesa teknike gjatë procesit të Ankandit Hije; ose
 - (b) në rast të rezultateve të gabuara për shkak të llogaritjes së gabuar të Çmimit Marxhinal; ose
 - (c) në rast të Alokimit të gabuar të të Drejtave të Transmetimit Ditor për Pjesëmarrësit e Regjistruar ose arsye të ngjashme.
2. Platforma e Alokimit mund të përdorë një ose të gjitha procedurat e mëposhtme:
 - (a) futjen e procedurës rezervë për shkëmbimin e të dhënave sipas Nenit 40;
 - (b) futjen e procedurës rezervë për Ankandin Hije sipas Nenit 41;
 - (c) një tjetër procedurë ad hoc shtesë nëse konsiderohet e përshtatshme nga Platforma e Alokimit për të kapërcyer pengesat teknike.
3. Platforma e Alokimit, për aq sa është e mundur dhe pa vonesa të panevojshme, informon Pjesëmarrësit e Regjistruar për devijimet e mundshme nga proceset standarde dhe aplikimin e një procedure rezervë nëpërmjet mjeteve elektronike sikurse specifikohet nga Platforma e Alokimit në faqen e saj të internetit dhe duke përdorur Mjedisin e Ankandit.
4. Pjesëmarrësit e Regjistruar informojnë menjëherë Platformën e Alokimit për çdo problem të vërejtur me përdorimin e Mjedisit të Ankandit dhe të gjitha pasojat e mundshme nëpërmjet mjeteve elektronike sikurse specifikohet nga Platforma e Alokimit në faqen e saj të internetit. Në rast të një problemi urgjent, i cili do të zgjidhet menjëherë dhe që identifikohet gjatë orarit të punës, Pjesëmarrësi i Regjistruar kontakton menjëherë Platformën e Alokimit me telefon në numrin e treguar në faqen e internetit të Platformës së Alokimit për këtë lloj problemi. Platforma e Alokimit konfirmon marrjen e problemit dhe informon Pjesëmarrësit e Regjistruar për statusin e problemit sa më shpejt të jetë e mundur.

Neni 40

Procedura rezervë për shkëmbimin e të dhënave

1. Në rast të dështimit, në mjedisin e Platformës së Alokimit, të proceseve standarde për shkëmbimin e të dhënave nëpërmjet Mjedisit të Ankandit sikurse përshkruhet në Rregulloren e Alokimit në Hije, Platforma e Alokimit mund të informojë Pjesëmarrësit e Regjistruar se mund të përdoret një procedurë rezervë për shkëmbimin e të dhënave si më poshtë:
 - (a) brenda afateve të zbatueshme, përveçse nëse shpallet ndryshe nga Platforma e Alokimit, Pjesëmarrësi i Regjistruar kërkon nëpërmjet mjeteve elektronike sikurse specifikohet nga Platforma e Alokimit në faqen e saj të internetit, të futë të dhënat përkatëse në Mjedisin e Ankandit duke përdorur këtë procedurë rezervë për shkëmbimin e të dhënave;
 - (b) me kërkesë, Pjesëmarrësi i Regjistruar i ofron Platformës së Alokimit të dhënat përkatëse që do të futen në Mjedisin e Ankandit në formatin e specifikuar nga Rregullorja e Sistemit të Informacionit;
 - (c) Platforma e Alokimit vendos të dhënat e paraqitura në Mjedisin e Ankandit;
 - (d) Platforma e Alokimit mund të vendosë në rregullat e sistemit të Informacionit një proces identifikimi për Pjesëmarrësin e Regjistruar në momentin kur ky i fundit dorëzon të dhënat përkatëse operationale ose tregtare dhe i kërkon Platformës së Alokimit që t'i fusë këto të dhëna në Mjedisin e Ankandit në emër të tij me anë të procedurës rezervë. Nëse pjesëmarrësi i regjistruar ose personi i autorizuar prej tij për këtë qëllim nuk e identifikon veten qartë, Platforma e Alokimit gëzon të drejtën të mos kryejë futjen e të dhënave;
 - (e) Pjesëmarrësi i regjistruar i ofron Platformës së Alokimit një numër telefoni, i cili mund të përdoret në rast të komunikimit të nevojshëm;
 - (f) Pasi Platforma e Alokimit të ketë futur të dhënat në Mjedisin e Ankandit në emër të Pjesëmarrësit të Regjistruar, ajo informon pa vonesa të panevojshme Pjesëmarrësin e regjistruar me telefon dhe/ose nëpërmjet mjeteve elektronike sikurse specifikohet nga Platforma e Alokimit në faqen e saj të hyrjes; dhe
 - (g) Platforma e Alokimit nuk mban përgjegjësi në asnjë rrethanë nëse nuk mundet të arrijë tek pjesëmarrësi i regjistruar përmes mjeteve të komunikimit të mësipërm ose nëse nuk arrin të vendosë të dhënat në mënyrë korrekte nëpërmjet procedurës rezervë.
2. Në rastin e aplikimit të procedurës rezervë për shkëmbimin e të dhënave, i gjithë informacioni i nevojshëm që vihet në dispozicion nëpërmjet Mjedisit të Ankandit gjatë proceseve standarde mund t'u shpërndahet pjesëmarrësve të regjistruar nëpërmjet mjeteve elektronike sikurse specifikohet nga Platforma e Alokimit ose kur është e përshtatshme të publikohet në faqen e internetit të Platformës së Alokimit.

Neni 41

Procedura rezervë për Ankandin në Hije

1. Pas hapjes së Periudhës së Ofertimit, Platforma e Alokimit:
 - (a) kur është praktikisht e arsyeshme, shtyn fundin e Periudhës së Ofertimit duke njoftuar

Rregullorja e Alokimit në Hije

Pjesëmarrësit e Regjistruar për afatet e rishikuara në Specifikimin e Ankandit; ose

- (b) anulon ankandin fillestar sipas Nenit 43; dhe organizon një Ankand të ri për të njëjtën Periudhë Produkti; ose
 - (c) zbaton Ankandin rezervë , sikurse specifikohet në Nenin 42.
2. Nëse procedura rezervë e përshkruar në paragrafin 1 të këtij Neni nuk mund të zbatohet për të njëjtën periudhë produkti, kapacitetet përkatëse ndërzonale ofrohen në procesin pasues të Alokimit të Kapaciteteve.

Neni 42 Ankandi Rezervë

1. Nëse Platforma e Alokimit, pas publikimit të specifikimeve të ankandit, nuk mund të realizojë Proceset e Ankandit në Hije për arsyt e renditura në Nenin 39, paragrafi 1, ajo u dërgon njoftimin të gjithë Pjesëmarrësve të Regjistruar për aplikimin e Ankandit Rezervë , sa më shpejt të jetë e mundur dhe jo më vonë se ora 14:10 p.m. në ditën para ditës së lëvrimit.
2. Në rastin e Ankandit rezervë, do të merren parasysh vetëm ofertat e paracaktuara për Ankand Rezervë , në përputhje me Nenin 31. Nëse sasia e ofertës së paracaktuar ose një sasi e llogaritur si shuma e sasive të ofertave për disa oferta të paracaktuara të paraqitura për të njëjtin Ankand në Hije nga pjesëmarrësi i regjistruar e tejkalon kapacitetin përfundimtar të ofruar, sasia e ofertës reduktohet për të qenë e barabartë me kapacitetin e ofruar.
3. Kapaciteti i ofruar ndahet në pjesë proporcionale ndërmjet pjesëmarrësve të regjistruar.
4. Çmimi marxhinal i të Drejtave të Transmetimit Ditor është 0 €/MWh. Vlera e të Drejtave të Transmetimit Ditor rrumbullakoset në MW-në e plotë më të afërt.
5. Pjesëmarrësit e regjistruar njoftohen për rezultatet deri në orën 14:20 p.m, në D-1.

Neni 43 Anullimi i Ankandit në Hije

6. Në rast se Platforma e Alokimit anulon Ankandin në Hije, të gjitha ofertat e dorëzuara tashmë dhe çdo rezultat i Ankandit në Hije përkatës konsiderohen të pavlefshme.
7. Platforma e Alokimit informon të gjithë pjesëmarrësit e regjistruar pa vonesa të panevojshme, për anulimin e Ankandit në Hije nëpërmjet njoftimit të publikuar në Mjedisin e Ankandit ose në faqen e internetit të Platformës së Alokimit dhe me email.
8. Anullimi i Ankandit në Hije mund të shpallet në rastet e mëposhtme:
 - (a) përpara se Kapaciteti Ndërzonal të konsiderohet i alokuar në rast se Platforma e Alokimit përballlet me pengesa teknike gjatë procesit të Ankandit në Hije, si p.sh., dështimi i proceseve standarde dhe procedurave rezervë ose arsye të ngjashme; dhe
 - (b) gjatë periudhës së kontestimit, në rast të rezultateve të gabuara për shkak të llogaritjes së gabuar të Çmimit Marxhinal ose alokimit së gabuar të të drejtave të transmetimit për pjesëmarrësit e regjistruar ose arsye të ngjashme.

Rregullorja e Alokimit në Hije

9. Në rast të anulimit të Ankandit në Hije përpara publikimit përfundimtar të rezultateve të Ankandit Hije, Pjesëmarrësve të Regjistruar nuk do t'u paguhet kompensim.
10. Platforma e Alokimit publikon në faqen e saj të internetit, pa vonesa të panevojshme, arsyet e anulimit të Ankandit në Hije.
11. Dispozitat e këtij Neni 43 mund të zbatohen edhe për Ankandin rezervë (në rast të rezultateve të gabuara).

Reduktimet

Neni 44

Ngjarjet nxitëse dhe pasojat e kufizimit të të Drejtave të Transmetimit Ditor

1. Të Drejtat e Transmetimit Ditor mund të reduktohen vetëm në rast të Forcës Madhore ose situatës emergjente.
2. Reduktimi mund të zbatohet për të Drejtat e Transmetimit Ditor të alokuara, duke përfshirë, sipas rastit, të drejtat e nominuara të Transmetimit Fizik.
3. Çdo Pjesëmarrës i Regjistruar i prekur nga reduktimi e humbet të drejtën e tij për të nominuar për përdorim fizik të Drejtat përkatëse të Transmetimit Fizik nëse kjo e drejtë ekziston në momentin e reduktimit.
4. Në rast reduktimi, Pjesëmarrësi i Regjistruar i prekur nuk ka të drejtë të marrë asnjë rimbursim ose kompensim në lidhje me të ose si pasojë e tij.

Neni 45

Procesi dhe njoftimi i reduktimeve

Në të gjitha rastet, reduktimi kryhet nga një ose më shumë Operatorë të Sistemit të Transmetimit në kufirin e Zonës Ofertuese ku janë alokuar të Drejtat e Transmetimit Ditor.

Faturimi dhe Pagesa

Neni 46 Parime të përgjithshme

1. Pjesëmarrësi i Regjistruar do të paguajë shumat e pagueshme sikurse janë llogaritur në përputhje me Nenin 47 për të gjitha të Drejtat e Transmetimit që i janë alokuar.
2. Pjesëmarrësi i Regjistruar mund të përdorë me pagesë kapacitetin ndërzonal të lidhur me të Drejtat e Transmetimit të alokuara sikurse përshkruhet vetëm në Rregulloren e Alokimit Hije.
3. Të gjitha informacionet financiare, çmimet dhe shumat e detyrimeve shprehen në Euro (€), përveçse nëse kërkohet ndryshe nga ligji ose rregulloret në fuqi.
4. Pagesa shlyhet në datën në të cilën shuma e dhënë është kredituar në llogarinë e përfituesit. Çdo kamatëvonesë konsiderohet e shlyer në datën kur pagesa është kredituar nga llogaria e paguesit.
5. Pagesat kryhen në euro (€).
6. Platforma e Alokimit i konsideron taksat dhe tatimet me normën dhe në masën e zbatueshme kur vlerëson detyrimet e pagesave dhe lëshon faturat sipas Rregullores së Alokimit Hije që i nënshtrohen Nenit 48.
7. Pjesëmarrësi i regjistruar do t'i ofrojë Platformës së Alokimit informacionin përkatës për të justifikuar nëse taksat dhe tatimet përkatëse janë ose jo të zbatueshme gjatë nënshkrimit të Marrëveshjes së Pjesëmarrjes, si dhe çdo ndryshim në këtë drejtim pa vonesa të panevojshme. Prandaj, është detyrimi i pjesëmarrësit të regjistruar të informojë Platformën e Alokimit për çdo taksë dhe tatim lokal, brenda ose jashtë komunitetit që është në përputhje me legjislacionin e vendit të themelimit të pjesëmarrësit të regjistruar.

Neni 47 Llogaritja e shumave të pagueshme

1. Pjesëmarrësit e Regjistruar paguajnë për secilën nga të Drejtat e Transmetimit që u janë alokuar dhe për orë individuale një shumë të barabartë me:
 - (a) Çmimin Marxhinal (për MW në orë); shumëzuar me
 - (b) Të Drejtat e Transmetimit Ditor në MW të alokuara në orë individuale të ditës.
2. Të Drejtat e Transmetimit faturohen çdo muaj. Platforma e Alokimit llogarit shumën e detyrimit për t'u paguar në mënyrë retroaktive për muajin paraardhës. Shuma e detyrimit plus çdo taksë dhe tatim, detyrime apo tarifa të tjera të zbatueshme, sipas Nenit 48, do të rrumbullakoset në dy shifra dhjetore.

Neni 48 Shtesa për Taksat

1. Çdo Pjesëmarrës i Regjistruar duhet t'i shlyejë të gjitha pagesat për Rregullat e Alokimit Hije pa zbritje tatimore, përveç rasteve kur zbritja tatimore kërkohet me ligj.

Rregullorja e Alokimit në Hije

2. Nëse kërkohet me ligj që zbritja tatimore të bëhet nga pjesëmarrësi i regjistruar, shuma që i kërkohet Pjesëmarrësit të Regjistruar në Platformën e Alokimit do të rritet në një shumë që (pas aplikimit të zbritjes tatimore) lë një shumë të barabartë me pagesën e kërkuar nëse nuk do të ishte kërkuar zbritja tatimore.
3. Paragrafi 2 i këtij Neni nuk vlen për taksat e vlerësuara në Platformën e Alokimit për pagesat e mara në lidhje me Rregulloren e Alokimit në Hije sipas ligjeve të juridiksionit në të cilin është themeluar Platforma e Alokimit ose, nëse është e ndryshme, juridiksioni (apo juridiksionet) në të cilin Platforma e Alokimit trajtohet si rezidente për qëllime tatimore ose ka ose për qëllime tatimore konsiderohet se ka seli të përhershme ose adrese biznesi fikse, të cilit i atribuohet çdo pagesë sipas Rregullores së Alokimit Hije. Paragrafi 2 i këtij Neni nuk vlen për tatimin mbi vlerën e shtuar (sikurse parashikohet në Direktivën e TVSH-së 2006/112/KE ose, siç mund të jetë, çdo legjislacion i ngjashëm kombëtar, i ndryshuar herë pas here) dhe çdo taksë tjetër e një natyrë të ngjashme.

Neni 49

Kushtet e faturimit dhe pagesës

1. Platforma e Alokimit lëshon fatura për pagesat për të gjitha të Drejtat e Transmetimit të alokuara në përputhje me këtë Rregullore Alokimi Hije çdo muaj dhe jo më vonë se dita e dhjetë (10) e punës e çdo muaji për Ankandet Hije të muajit paraardhës.
2. Faturat lëshohen për pagesat e mëposhtme:
 - (a) shumën e pagueshme të përcaktuar në Nenin 47(2);
 - (b) çdo taksë dhe tatim përkatës që i nënshtrohet Nenit 48.
3. Platforma e Alokimit i dërgon pjesëmarrësit të regjistruar faturën me mjete elektronike sikurse specifikohet nga Platforma e Alokimit në faqen e saj të internetit në adresën e emailit të personit të kontaktit financiar të dorëzuar në përputhje me Nenin 8 (1) (h) ose duhet ta vërë në dispozicion të Pjesëmarrësit të Regjistruar nëpërmjet Mjedisit të Ankandit. Data e lëshimit të faturës do të jetë data në të cilën fatura është dërguar me mjete elektronike sikurse specifikohet nga Platforma e Alokimit në faqen e saj të internetit ose data kur fatura vihet në dispozicion nëpërmjet Mjedisit të Ankandit nëse kjo bëhet gjatë orarit të punës ose të nesërmen nëse dërgohet pas orarit të punës.
4. Pagesat e detyrueshme mund të netohen nga Platforma e Alokimit, duke marrë parasysh shumën e përcaktuar në paragrafin 2 të këtij Neni, dhe çdo shumë tjetër të pagueshme nga Platforma e Alokimit për pjesëmarrësin e regjistruar, si rezultat i proceseve të alokimit të kryera nga Platforma e Alokimit.
5. Pjesëmarrësi i Regjistruar i shlyen detyrimet e pagesës që dalin nga paragrafi 2 ose paragrafi 4 i këtij Neni brenda dhjetë (10) ditësh pune pas datës së lëshimit të faturës.
6. Pagesat nga Pjesëmarrësi i Regjistruar, sikurse përcaktohet në paragrafin 5 të këtij Neni, paguhet në Llogarinë e Biznesit të Platformës së Alokimit të specifikuar në faturë duke treguar referencën e faturës, ose në mënyrë alternative, Platforma e Alokimit do të mbledhë pagesën automatikisht nga llogaria e dedikuar e biznesit të pjesëmarrësit të regjistruar në datën përkatëse të faturës.
7. Platforma e Alokimit i shlyen detyrimet e saj të pagesës që rrjedhin nga paragrafi 4 i këtij Neni

Rregullorja e Alokimit në Hije

brenda pesëmbëdhjetë (15) ditësh pune pas datës së pranimit të faturës, me anë të pagesës së shumës së pagueshme në llogarinë bankare të shpallur gjatë procesit të aderimit në përputhje me Nenin 8, paragrafin 1(g) nga Pjesëmarrësi i Regjistruar i cili ka të drejtë për pagesat në datën e lindjes së detyrimit.

8. Me marrjen e pagesës sikurse përcaktohet në paragrafin 6 të këtij Neni, Platforma e Alokimit përditëson Limitin e Kreditit në përputhje me rrethanat.
9. Në rastin e faturës së gabuar që rezulton në një pagesë shtesë të Platformës së Alokimit ose të pjesëmarrësit të regjistruar, Platforma e Alokimit korrigjon faturën dhe çdo shumë e e pagueshme shlyhet sapo t'i jetë njoftuar pjesëmarrësit të regjistruar.
10. Të gjitha tarifat bankare mbulohen nga pjesëmarrësi i regjistruar.
11. Pjesëmarrësi i regjistruar nuk ka të drejtë të kompensojë asnjë shumë, ose të mbajë në burim borxhe që lind në lidhje me detyrimet që rrjedhin nga Ankandi në Hije, kundrejt çdo pretendimi ndaj Platformës së Alokimit, pavarësisht nëse lindin ose jo nga një ankand. Sidoqoftë, e drejta për kompensim dhe e drejta për të mbajtur në burim nuk përjashtohen në rast se pretendimi i Pjesëmarrësit të Regjistruar kundër Platformës së Alokimit përcaktohet nga një vendim detyrues ligjor ose i pakontestueshëm.

Neni 50

Mosmarrëveshjet për pagesën

1. Pjesëmarrësi i Regjistruar mund ta kundërshtojë shumën e një fature duke përfshirë çdo shumë që duhet t'i kreditohet Pjesëmarrësit të Regjistruar. Në këtë rast, Pjesëmarrësi i Regjistruar do të njoftojë natyrën e mosmarrëveshjes dhe shumën e mosmarrëveshje tek Platforma e Alokimit sa më shpejt të jetë e mundur dhe në çdo rast, brenda pesëmbëdhjetë (15) ditësh pune pas datës së lëshimit të faturës ose notës së kreditit me postë të regjistruar dhe mjete elektronike sikurse specifikohet nga Platforma e Alokimit në faqen e saj të internetit. Përtej kësaj periudhe, fatura konsiderohet se është pranuar nga Pjesëmarrësi i Regjistruar.
2. Nëse Pjesëmarrësi i Regjistruar dhe Platforma e Alokimit nuk janë në gjendje të zgjidhin konfliktin brenda dhjetë (10) ditësh pune pas njoftimit, zbatohet procedura për zgjidhjen e mosmarrëveshjeve në përputhje me Nenin 54.
3. Mosmarrëveshja për shumën e një faturë nuk e liron në asnjë mënyrë Palën nga detyrimi për të paguar shumën e tilla që duhet të paguhet në përputhje me Nenin 49.
4. Nëse bihet dakord ose përcaktohet bazuar në procedurën e zgjidhjes së mosmarrëveshjeve, sikurse parashikohet në Nenin 54, se një shumë e paguar ose e marrë nga Pjesëmarrësi i Regjistruar nuk ishte e pagueshme si duhet, do të zbatohet procesi i mëposhtëm:
 - (a) Platforma e Alokimit i kthen Pjesëmarrësit të Regjistruar çdo shumë, përfshirë interesin që llogaritet sipas Nenit 46(4), në rast se shuma e paguar nga Pjesëmarrësi i Regjistruar sipas Nenit 49(5) ishte më e lartë ose shuma e paguar nga Platforma e Alokimit ishte më e ulët se shuma e detyrimit. Platforma e Alokimit kryen pagesën në llogarinë bankare të treguar nga Pjesëmarrësi i Regjistruar për këtë rimbursim në përputhje me Nenin 8, paragrafin 1(g).
 - (b) Pjesëmarrësi i Regjistruar paguan çdo shumë, duke përfshirë interesin që llogaritet sipas Nenit 46(4), në Platformën e Alokimit në rast se shuma e paguar nga Pala e

Rregullorja e Alokimit në Hije

Regjistruar sipas Nenit 49(5) ishte më e ulët ose shuma e paguar nga Platforma e Alokimit ishte më e lartë se shuma e pagueshme. Pjesëmarrësi i Regjistruar kryen pagesën në përputhje me procedurën e përcaktuar në Nenin 49(6). Pas kësaj pagese, Platforma e Alokimit përditëson Limitin e Kreditit të Pjesëmarrësit të Regjistruar sikurse përcaktohet në Nenin 49 (8).

5. Interesi i paguar në rast të pagesës sipas paragrafit 4 të këtij Neni aplikohet nga dita e parë (1) pas datës në të cilën pagesa bëhet e detyrueshme deri në datën në të cilën është kthyer shuma e kontestuar dhe do të zbatohet gjithashtu për të gjitha taksat dhe tatimet e kërkuara me ligj.

Neni 51

Kamatëvonesës dhe incidenti i pagesës

1. Në rast se Pjesëmarrësi i Regjistruar nuk ka paguar plotësisht një faturë deri në datën e specifikuar në faturë, Platforma e Alokimit e njofton Pjesëmarrësin e Regjistruar se do të regjistrohet një incident pagese nëse shuma që përfshin interesin e aplikueshëm nuk merret brenda tre (3) ditësh pune pas dërgimit të njoftimit. Në rast të mospagesës brenda afatit, Platforma e Alokimit njofton Pjesëmarrësin e Regjistruar se incidenti i pagesës u regjistrua.
2. Menjëherë pas regjistrimit të incidentit të pagesës, Platforma e Alokimit mund të përdorë kolaterale.
3. Platforma e Alokimit mund të pezullojë ose zgjidhë Marrëveshjen e Pjesëmarrjes në rast incidenti pagese të regjistruar në përputhje me Nenet 55 dhe 56.
4. Në rast të pagesës ose rimbursimit me vonesë, Palët paguajnë interesin për shumën e pagueshme, duke përfshirë taksat dhe tatimet nga dita e parë (1) pas datës në të cilën pagesa u bë e detyrueshme deri në datën në të cilën kryhet pagesa. Interesi do të jetë i barabartë me shumën më të lartë të:
 - (a) një tarife fikse prej 100 €; ose
 - (b) tetë (8) për qind pikë në vit mbi normën e interesit referencë të publikuar zyrtarisht nga autoritetet kombëtare të vendit ku ndodhet Platforma e Alokimit dhe rrumbullakoset deri në gjysmën e pikës më të afërt të përqindjes.

Dispozita të ndryshme

Neni 52

Kohëzgjatja dhe ndryshimi i Rregulles së Alokimit në Hije

1. Rregullorja e Alokimit në Hije është me kohëzgjatje të pacaktuar dhe i nënshtrohet ndryshimeve në përputhje me këtë Nen. Kjo Rregullore Alokimi në Hije dhe çdo ndryshim i saj do të konsultohet sipas paragrafit 7 të këtij Neni, të propozuar nga Operatorët përkatës të Sistemit të Transmetimit dhe do të hyjnë në fuqi në përputhje me regjimin rregullator kombëtar në fuqi. Platforma e Alokimit publikon rregulloren e amenduara të Alokimit në Hije dhe u dërgon një njoftim për amendimin pjesëmarrësve të regjistruar.
2. Objekti i paragrafit 7 të këtij Neni, amendimi hyn në fuqi në datën dhe orën e specifikuar në njoftimin për amendimin, por jo më herët se tridhjetë (30) ditë kalendarike pas dërgimit të njoftimit për amendimin Pjesëmarrësve të Regjistruar nga Platforma e Alokimit.
3. Çdo amendim vlen për të gjitha aspektet e Rregullores të Alokimit Hije, duke përfshirë por pa u kufizuar në të gjitha Ankandet Hije të kryera pas datës në të cilën amendimi hyn në fuqi.
4. Përveçse nëse deklarohet shprehimisht ndryshe nga Platforma e Alokimit, Rregullorja e amenduar e Alokimit në Hije rregullojnë të gjitha të drejtat dhe detyrimet në lidhje me Rregulloren e Alokimit në Hije, duke përfshirë ato të fituara përpara datës së amendimit, por me datën e dorëzimit pas hyrjes në fuqi të amendimit.
5. Çdo amendim i Rregullores së Alokimit në Hije zbatohet automatikisht për Marrëveshjen e Pjesëmarrjes në fuqi ndërmjet Platformës së Alokimit dhe Pjesëmarrësit të Regjistruar, pa qenë nevoja që Pjesëmarrësi i Regjistruar të nënshkruajë një Marrëveshje të re Pjesëmarrjeje, por pa cenuar të drejtën e Pjesëmarrësit të Regjistruar për të kërkuar përfundimin e Marrëveshjes së tij të Pjesëmarrjes në përputhje me Nenin 56(1). Duke marrë pjesë në Ankandin në Hije pasi Pjesëmarrësi i Regjistruar të jetë informuar për ndryshimet dhe/ose përshtatjet e Rregullores së Alokimit Hije dhe pas hyrjes në fuqi të këtyre ndryshimeve dhe/ose përshtatjeve të Rregullores së Alokimit në Hije, konsiderohet se Pjesëmarrësi i Regjistruar ka pranuar versionin e ndryshuar, pra versionin e vlefshëm dhe efektiv të Rregullors së Alokimit në Hije.
6. Rregullat e Alokimit në Hije rishikohen periodikisht nga Platforma e Alokimit, Operatorët përkatës të Sistemit të Transmetimit të paktën çdo dy vjet që përfshijnë Pjesëmarrësit e Regjistruar. Në rast se Operatorët përkatës të Sistemit të Transmetimit konsiderojnë amendimin e Rregullores së Alokimit Hije si rezultat i këtij rishikimi, zbatohet procedura e përshkruar në këtë Nen. Ky rishikim dyvjeçar është pa cenuar kompetencën e Autoriteteve Rregullatore Kombëtare për të kërkuar në çdo kohë amendime të Rregullores së Alokimit në Hije dhe Shtojcave të përfshira në të në përputhje me legjislacionin ekzistues.
7. Rregullorja e Alokimit në Hije i nënshtrohet legjislacionit që mbizotëron në kohën kur ato hyjnë në fuqi. Në rast se ka një ndryshim në legjislacion ose ndonjë veprim nga autoritetet kompetente në nivel kombëtar, ose në nivel të Bashkimit Evropian, ose, siç mund të jetë, në nivel të Komunitetit të Energjisë, të cilat kanë një efekt në Rregulloren e Alokimit Hije dhe/ose Shtojcat e saj, pavarësisht nga ndonjë dispozitë tjetër e Rregullores së Alokimit Hije, Rregullorja e Alokimit Hije ndryshohet në përputhje me rrethanat dhe me këtë Nen.

Rregullorja e Alokimit në Hije

8. Lista e kufijve të Zonës së Ofertimit (Shtojca 1) për të cilat zbatohet Rregullorja e Alokimit Hije mund të ndryshohet ose plotësohet në përputhje me dispozitat që kanë të bëjnë me amendimin e Rregullores së Alokimit Hije, ku për amendimin e kësaj liste kërkohet/kërkohen miratimi i një ose më shumë ARRK.
9. Për qëllimin e përfshirjes së ndryshimit ose plotësimit, vetëm miratimi i një ARRK-je që ka juridiksion mbi OST-në përkatëse, kufiri i Zonës Ofertuese i së cilës është amenduar ose shtuar, do të kërkohet të konsultohet ose do të kërkohet miratim, sipas rastit.

Neni 53

Përgjegjësia

1. Platforma e Alokimit dhe Pjesëmarrësit e Regjistruar janë përgjegjësit e vetëm për përmbushjen e çdo detyrimi që ata marrin përsipër ose u nënshtrohen dhe që lind ose lidhet me Rregulloren e Alokimit Hije dhe Marrëveshjen e Pjesëmarrjes.
2. Në varësi të dispozitave të tjera të Rregullores së Alokimit Hije, Platforma e Alokimit do të jetë përgjegjëse vetëm për dëmet e shkaktuara nga:
 - (a) mashtrimi, neglizhenca e rëndë ose sjellja e pahijshme me dashje.
 - (b) vdekja ose lëndimi personal që lind nga neglizhenca e saj ose e punonjësve, agjentëve apo nënkontraktorëve të saj.
3. Pjesëmarrësi i Regjistruar dëmshpërblen dhe mban të dëmshpërblë Platformën e Alokimit dhe nëpunësit, punonjësit dhe agjentët e saj nga dhe kundër çdo humbjeje apo përgjegjësie (duke përfshirë kostot ligjore) lidhur me një dëm që ka shkaktuar, të cilin mund ta pësojë ndonjëri prej tyre ose që shkaktohet nga pretendimi i ndonjë pale të tretë për shkak të një humbjeje (direkt apo indirekte) të pësuar nga pretenduesi ose nga zyrtarët, agjentët, nënkontraktorët apo punonjësit e pretenduesit në lidhje me këtë Rregullore të Alokimit Hije.
4. Platforma e Alokimit dhe çdo Pjesëmarrës i Regjistruar pranon dhe bie dakord se e mban përfitimin e paragrafit 3 të këtij Neni për vete dhe si i besuar dhe agjent për zyrtarët, punonjësit dhe agjentët e tij.
5. Pjesëmarrësi i Regjistruar do të jetë i vetmi përgjegjës për pjesëmarrjen e tij në Ankandet Hije duke përfshirë por pa u kufizuar me rastet e mëposhtme:
 - (a) mbërritjen në kohë të Ofertave dhe njoftimeve të transferimit dhe kthimit nga Pjesëmarrësi i Regjistruar;
 - (b) dështimi teknik i sistemit të informacionit nga ana e Pjesëmarrësit të Regjistruar që pengon komunikimin nëpërmjet kanaleve të parashikuara në përputhje me Rregulloren e Alokimit Hije.
6. Në rast të kompensimit të reduktimit për shkak të Forcës Madhore ose situatës emergjente sipas Nenin 44, Pjesëmarrësit e Regjistruar nuk do të kenë të drejtë për kompensim tjetër përveç kompensimit të përshkruar në Rregulloren e Alokimit Hije.
7. Pjesëmarrësi i Regjistruar do të jetë përgjegjës për çdo sanksion, gjobë apo tarifë që mund të vendoset nga autoritetet financiare në Platformën e Alokimit për trajtimin jo korrekt tatimor për shkak të informacionit të gabuar ose të pa plotë të dhënë nga Pjesëmarrësi i Regjistruar.

8. Ky Nen i mbijeton përfundimit të Marrëveshjes së Pjesëmarrjes të Pjesëmarrësit të Regjistruar.

*Neni 54
Zgjidhja e mosmarrëveshjeve*

1. Pa cenuar paragrafët 6 dhe 8 të këtij Neni, kur ka një mosmarrëveshje, Platforma e Alokimit dhe Pjesëmarrësi i Regjistruar fillimisht duhet të kërkojnë zgjidhje miqësore përmes konsultimit të ndërsjellë sipas paragrafit 2. Për këtë qëllim, Pala që ngre mosmarrëveshjen duhet t'i dërgojë një njoftim palës tjetër ku të tregojë:
 - (a) ekzistencën e një Marrëveshjeje Pjesëmarrjeje ndërmjet Palëve;
 - (b) arsyen e mosmarrëveshjes; dhe
 - (c) një propozim për një takim të ardhshëm, fizik ose jo, me synimin për të zgjidhur mosmarrëveshjen në mënyrë miqësore.
2. Palët duhet të takohen brenda njëzet (20) ditësh pune pasi çështja t'u jetë referuar dhe të kërkojnë zgjidhjen e mosmarrëveshjes. Nëse nuk arrihet marrëveshje ose nuk merret asnjë përgjigje brenda një periudhe prej tridhjetë (30) ditësh pune nga data e njoftimit të lartpërmendur, secila Palë mund t'ia referojë çështjen menaxhimit të lartë të Palëve për të zgjidhur mosmarrëveshjen sipas paragrafin 3.
3. Përfaqësuesi i lartë i secilës prej Platformave të Alokimit dhe Pjesëmarrësit të Regjistruar që ka autoritetin të zgjidhë mosmarrëveshjen duhet të takohen brenda njëzet (20) ditësh pune pas marrjes së kërkesës për t'u takuar dhe të kërkojnë zgjidhjen e mosmarrëveshjes. Nëse përfaqësuesit nuk janë në gjendje ta zgjidhin mosmarrëveshjen brenda njëzet (20) ditësh pune nga takimi ose në një kohë më të gjatë për të cilën bihet dakord, atëherë mosmarrëveshja do të zgjidhet nga arbitrazhi sipas paragrafit 4.
4. Kur mosmarrëveshja duhet t'i referohet arbitrazhit sipas paragrafit 3, ose Platforma e Alokimit ose Pjesëmarrësi i Regjistruar mund ta njoftojnë njëri-tjetrin duke deklaruar natyrën e mosmarrëveshjes dhe duke e referuar mosmarrëveshjen në arbitrazh. Arbitrazhi zhvillohet në përputhje me Rregulloren e Arbitrazhit të Dhomës së Tregtisë (ICC). Arbitrazhi kryhet para një (1) arbitri që do të emërohet me marrëveshje të palëve, përveçse nëse një palë kërkon emërimin e tre (3) arbitrave. Në rastin e një (1) arbitri, Palët bien dakord për emërimin e arbitrit brenda dy (2) muajve pas njoftimit të dhënë nga Pala që e referon mosmarrëveshjen në arbitrazh. Nëse nuk arrihet marrëveshje, arbitri zgjidhet nga Gjykata ICC. Në rastin e tre (3) arbitrave, paditësi emëron një (1) arbitër dhe i padituri emëron një (1) arbitër. Arbitrat e emëruar nga secila palë emërojnë më pas kryetarin e gjykatës së arbitrazhit brenda tri (3) ditësh pune nga konfirmimi i caktimit të arbitrit të dytë nga i padituri. Nëse arbitrat e emëruar nga secila palë nuk bien dakord për zgjedhjen e kryetarit, kryetari caktohet nga Gjykata ICC. Arbitrazhi zhvillohet në vendndodhjen e Platformës së Alokimit, përveç rasteve kur përcaktohet ndryshe në Marrëveshjen e Pjesëmarrjes dhe në përputhje me ligjin rregullator të Rregullores së Alokimit Hije, ndërsa gjuha e procedurave të arbitrazhit është gjuha angleze. Dispozitat e arbitrazhit emergjent sipas Rregullores së Arbitrazhit të Dhomës së Tregtisë nuk do të zbatohen, por do të zbatohen masat e përkohshme ose urgjente të lehtësimit sipas ligjit rregullator në fuqi.
5. Vendimet e arbitrazhit do të jenë përfundimtare dhe detyruese për Platformën e Alokimit dhe Pjesëmarrësit përkatës të Regjistruar që nga data e marrjes së tyre. Platforma e Alokimit dhe Pjesëmarrësi i Regjistruar zbatojnë pa vonesë vendimin e një arbitrazhi lidhur me një

Rregullorja e Alokimit në Hije

mosmarrëveshje dhe secili heq dorë nga e drejta për çdo formë apelimi ose rekursi në gjykatë ose një autoritet tjetër gjyqësor, për sa kohë që një heqje dorë e tillë mund të bëhet në mënyrë të vlefshme.

6. Pavarësisht nga parashikimet e paragrafëve 3 dhe 4 të këtij Neni, Palët mund të bien dakord bashkërisht të zbatojnë procedurat gjyqësore në vend të arbitrazhit për të zgjidhur një mosmarrëveshje që lind lidhur me Rregulloren e Alokimit Hije.
7. Në rastet e pagesës me vonesë dhe pavarësisht nga parashikimet e Nenit 51 dhe paragrafët 1 deri në 4 të këtij Neni, Pala mund të ngrëjë procedime gjyqësore kundër Palës tjetër për çdo shumë që duhet të paguhet sipas Rregullores së Alokimit Hije apo në lidhje me të dhe të papaguara për më shumë se njëzet (20) ditë pune pas datës së lindjes së detyrimit të pagesës.
8. Palët bien dakord që procedurat e përmendura në paragrafët 6 ose 7 të këtij Neni mund të ngrihen në çdo gjykatë kompetente për ta shqyrtuar kërkesën. Pjesëmarrësi i Regjistruar heq dorë në mënyrë të pakthyeshme nga çdo kundërshtim që mund të ketë tani ose në të ardhmen në lidhje me vendin e zhvillimit të procedurave në çdo gjykatë kompetente dhe çdo pretendim që kjo procedurë është dërguar në një forum të papërshtatshëm.
9. Pavarësisht referencave për zgjidhje me mirëkuptim, për zgjidhjen e ekspertëve apo arbitrazhin sipas këtij Neni, Platforma e Alokimit dhe Pjesëmarrësi i Regjistruar do të vazhdojnë të kryejnë detyrimet e tyre përkatëse sipas kësaj Rregullore të Alokimit Hije dhe Marrëveshjes së Pjesëmarrjes të Pjesëmarrësit të Regjistruar.
10. Ky Nen i mbijeton përfundimit të Marrëveshjes së Pjesëmarrjes të Pjesëmarrësit të Regjistruar.

Neni 55

Pezullimi i Marrëveshjes së Pjesëmarrjes

1. Platforma e Alokimit mund të pezullojë përkohësisht të drejtat e Pjesëmarrësit të Regjistruar në lidhje me këtë Rregullore të Alokimit Hije me një njoftim të menjëhershëm nëse Pjesëmarrësi i Regjistruar kryen një shkelje të madhe të një detyrimi në lidhje me këtë Rregullore Alokimi Hije, e cila mund të ketë një ndikim të rëndësishëm në Platformën e Alokimit si më poshtë:
 - (a) nëse një Pjesëmarrës i Regjistruar nuk paguan ndonjë shumë të pagueshme rregullisht dhe që i detyrohet Platformës së Alokimit në përputhje me Nenin 51;
 - (b) nëse një Pjesëmarrës i Regjistruar nuk ofron dhe mban kolaterale në përputhje me Nenin 23;
 - (c) çdo shkelje që mund të ketë ndikim të rëndësishëm financiar në Platformën e Alokimit;
 - (d) Platforma e Alokimit ka baza të arsyeshme për të besuar se Pjesëmarrësi i Regjistruar nuk plotëson më një kusht ose më shumë kushte të tjera për të marrë pjesë në Ankandet Hije sipas kësaj Rregulloreje të Alokimit Hije, përveç rasteve kur përfundimi zbatohet sipas Nenit 56; dhe
 - (e) nëse Pjesëmarrësi i Regjistruar është nën sanksione ekonomike dhe tregtare të cilat mund të kenë ndikim në Platformën e Alokimit.
2. Në çdo rast të një shkeljeje të vogël lidhur me këtë Rregullore të Alokimit Hije, të tilla si

Rregullorja e Alokimit në Hije

dështimi i Pjesëmarrësit të Regjistruar për të njoftuar një ndryshim në informacionin e paraqitur sipas Nenit 8, por pa u kufizuar vetëm me kaq, Platforma e Alokimit, përmes një njoftimi për Pjesëmarrësin e Regjistruar, mund të informojë Pjesëmarrësin e Regjistruar se të drejtat e tij në lidhje me këtë Rregullore të Alokimit Hije mund të pezullohen, përveçse kur Pjesëmarrësi i Regjistruar ndreq ngjarjen e pezullimit brenda periudhën kohore të specifikuar në njoftim. Pezullimi do të hyjë në fuqi kur të ketë kaluar periudha e specifikuar për ndreqje të shkeljes, kur kjo ndreqje nuk është kryer. Pas hyrjes në fuqi të pezullimit në përputhje me paragrafët 1 dhe 2 të këtij Neni, Pjesëmarrësi i Regjistruar i pezulluar nuk mund të marrë më pjesë në një Ankand Hije.

3. Platforma e Alokimit mund të tërheqë një njoftim sipas paragrafëve 1 ose 2 të këtij Neni në çdo kohë. Pasi ka dhënë një njoftim sipas paragrafëve 1 ose 2 të këtij Neni, Platforma e Alokimit mund të japë një njoftim pasues ose tjetër në çdo kohë në lidhje me të njëjtën ngjarje pezullimi apo një ngjarje tjetër.
4. Pasi Pjesëmarrësi i Regjistruar të ketë përmbushur ose korigjuar ngjarjen e pezullimit sikurse është njoftuar në njoftimin e dërguar nga Platforma e Alokimit, Platforma e Alokimit do të rivendosë sa më shpejt që është e arsyeshme praktikisht, të drejtat e Pjesëmarrësit të Regjistruar në lidhje me aftësinë e tij për të marrë pjesë në Ankande Hije me njoftim me shkrim Pjesëmarrësit të Regjistruar. Që nga data e hyrjes në fuqi të rivendosjes, Pjesëmarrësi i Regjistruar mund të marrë pjesë në Ankandet Hije.
5. Nëse Platforma e Alokimit i jep një njoftim Pjesëmarrësit të Regjistruar sipas paragrafit 1 ose 2 të këtij Neni, ky njoftim pezullimi nuk e liron Pjesëmarrësin e Regjistruar nga detyrimet e tij të pagesës sipas KREUT 8, duke përfshirë detyrimet e tij të pagesës në lidhje me të Drejtat e Transmetimit për të cilat Pjesëmarrësi i Regjistruar humb të drejtën e përdorimit sipas paragrafit 2.

Neni 56

Përfundimi i Marrëveshjes së Pjesëmarrjes

1. Një Pjesëmarrës i Regjistruar mund t'i kërkojë në çdo kohë Platformës së Alokimit të përfundojë Marrëveshjen e Pjesëmarrjes në të cilën Pjesëmarrësi i Regjistruar është Palë. Ndërprerja do të hyjë në fuqi pas tridhjetë (30) ditësh pune pas marrjes së kërkesës për ndërprerje nga Platforma e Alokimit dhe nëse të gjitha detyrimet të pagesave të mbetura janë shlyer.
2. Një Pjesëmarrës i Regjistruar mund të përfundojë Marrëveshjen e Pjesëmarrjes në të cilën Pjesëmarrësi i Regjistruar është Palë për arsye të fortë, kur Platforma e Alokimit ka kryer një shkelje të madhe të një detyrimi që lidhet me këtë Rregullore Alokimi Hije ose Marrëveshjen e Pjesëmarrjes në rastet e mëposhtme:
 - (a) kur Platforma e Alokimit në mënyrë të përsëritur dështon të paguajë ndonjë shumë të pagueshme dhe që i detyrohet Pjesëmarrësit të Regjistruar me një ndikim të rëndësishëm financiar;
 - (b) kur ka një shkelje të konsiderueshme të detyrimeve të konfidencialitetit sipas Nenit 59.

Pjesëmarrësi i Regjistruar do t'i dërgojë njoftim Platformës së Alokimit, duke cituar arsyen e përfundimit dhe duke i dhënë Platformës së Alokimit njëzet (20) ditë pune për të korigjuar shkeljen. Përveçse në rastin kur Platforma e Alokimit korigjon shkeljen brenda afatit të lartpërmendur, përfundimi do të hyjë në fuqi menjëherë pas skadimit të këtij afati.

Rregullorja e Alokimit në Hije

3. Nëse ndonjë nga ngjarjet e zgjidhjes së Marrëveshjes sipas paragrafit 4 ndodh lidhur me një Pjesëmarrës të Regjistruar, Platforma e Alokimit mund të zgjidhë Marrëveshjen e Pjesëmarrjes me njoftim për Pjesëmarrësin e Regjistruar, duke përfshirë të drejtat e Pjesëmarrësit të Regjistruar lidhur me këtë Rregullore të Alokimit Hije. Një zgjidhje sipas këtij paragrafi hyn në fuqi nga momenti i njoftimit ose në çdo kohë të mëvonshme të specifikuar në të. Pjesëmarrësi i Regjistruar nuk mund të lidhë në një fazë të mëvonshme Marrëveshje Pjesëmarrjeje me Platformën e Alokimit derisa rrethanat e zgjidhjes të vazhdojnë të ekzistojnë ose nuk garantohet mjaftueshëm se shkelja mund të mos ndodhë më.
4. Ngjarjet e zgjidhjes së Marrëveshjes të referuara në paragrafin 3 do të jenë si më poshtë:
 - (a) nëse të drejtat e Pjesëmarrësit të Regjistruar pezullohen për më shumë se tridhjetë (30) ditë pune;
 - (b) nëse një Pjesëmarrës i Regjistruar nuk kualifikohet për pjesëmarrje në Ankand Hije sikurse përcaktohet në Nenin 9;
 - (c) nëse një Pjesëmarrës i Regjistruar shkel në mënyrë të përsëritur këtë Rregullore të Alokimit Hije ose një Marrëveshje Pjesëmarrjeje, pavarësisht nëse shkelja mund të korrigjohet ose jo;
 - (d) nëse një autoritet kompetent (i) përcakton se Pjesëmarrësi i Regjistruar ka kryer një keqpërdorim ose akt mashtrues dhe (ii) kërkon nga Platforma e Alokimit të zgjidhë Marrëveshjen e Pjesëmarrjes për të cilën Pjesëmarrësi i Regjistruar është Palë ose (iii) bie dakord që Platforma e Alokimit ka baza të arsyeshme për të besuar se Pjesëmarrësi i Regjistruar ka kryer një keqpërdorim ose veprim mashtrues gjatë pjesëmarrjes në Ankande; ose
 - (e) nëse Pjesëmarrësi i Regjistruar ka ndërmarrë ndonjë veprim që mund të çojë në dëmtimin ose uljen e efektivitetit të Mjedisit të Ankandit (duke kuptuar që një veprim i tillë konsiderohet se ndodh në rastin e një sjelljeje që mund të asimilohet me sulm ndaj sistemit të informacionit, si refuzim i shërbimit, mesazhe të padëshiruar, viruse, detyrime brutale, sulmi me Kalë Troje, por pa u kufizuar me to).
5. Pas hyrjes në fuqi të zgjidhjes së marrëveshjes në përputhje me paragrafët 1 dhe 3 të këtij Neni, dhe nga kjo kohë, Pjesëmarrësi i Regjistruar nuk mund të marrë më pjesë në një Ankand Hije. KAPITULLI 5 nuk do të zbatohet për këto të drejta të fituara të Transmetimit. Për shmangien e dyshimeve, të Drejtat e Transmetimit, të cilat i ndalohen Pjesëmarrësit të Regjistruar për t'i përdorë si rezultat i zgjidhjes së marrëveshjes, mund të ofrohen nga Platforma e Alokimit në Ankandet pasuese.
6. Zgjidhja e një Marrëveshjeje Pjesëmarrjeje nuk prek asnjë të drejtë dhe detyrim sipas Marrëveshjes së Pjesëmarrjes dhe Rregulles së Alokimit Hije, ose që lidhet me to, të cilat u lindën përpara kësaj zgjidhjeje, përveç rasteve kur specifikohet ndryshe në këtë Nen. Rrjedhimisht, çdo Pjesëmarrës i Regjistruar, Marrëveshja e Pjesëmarrjes e të cilit zgjidhet, do të mbetet përgjegjës në përputhje me Rregulloren e Alokimit Hije, në lidhje me të gjitha këto të drejta dhe detyrime. Ky paragraf do të zbatohet pa cenuar mjetet e tjera juridike të disponueshme për Platformën e Alokimit sipas kësaj Rregulloreje të Alokimit Hije.

Neni 57

Forca Madhore

1. Platforma e Alokimit ose një Pjesëmarrës i Regjistruar, i cili njofton Forcën Madhore, do t'i dërgojë menjëherë Palës tjetër një njoftim që përshkruan natyrën e Forcës Madhore dhe kohëzgjatjen e mundshme të saj dhe do të vazhdojë të japë raporte në lidhje me të me shpeshtësi të arsyeshme gjatë periudhës së Forca Madhore. Pala që njofton Forcën Madhore do të bëjë çdo përpjekje të mundshme për të kufizuar pasojat e Forcës Madhore.
2. Detyrimet, detyrat dhe të drejtat e prekura të një Pale që i nënshtrohet Forcës Madhore do të pezullohen që nga fillimi i Forcës Madhore, me përjashtim të dispozitave të konfidencialitetit në përputhje me Nenin 59.
3. Pezullimi sipas paragrafit 2 u nënshtrohet pikave të mëposhtme:
 - (a) pezullimi nuk do të ketë një shtrirje më të madhe dhe jo më të gjatë se sa kërkohet nga Forca Madhore;
 - (b) pezullimi zbatohet vetëm për aq kohë sa Pala që njofton Forcën Madhore përdor përpjekje të arsyeshme për të korrigjuar paaftësinë e saj për të vepruar.
4. Pasojat e një ngjarjeje të Forcës Madhore, e cila nuk është subjekt i asnjë diskutimi apo konflikti ndërmjet Platformës së Alokimit dhe Pjesëmarrësit të Regjistruar, janë:
 - (a) Pala që njofton Forcën Madhore nuk mund të mbahet përgjegjëse për të paguar kompensimin për dëme të pësuar për shkak të mospërmbushjes ose përmbushjes së pjesshme të të gjitha ose ndonjë prej detyrimeve të saj gjatë Forcës Madhore dhe kur kjo mospërmbushje ose përmbushje e pjesshme vjen direkt për shkak të Forcës Madhore;
 - (b) Të Drejtat e Transmetimit Ditor të fituara, të cilat janë paguar tërësisht dhe i nënshtrohen Forcës Madhore, rimbursohen për kohëzgjatjen e Forcës Madhore në përputhje me çdo legjislacion në fuqi dhe këtë Rregullore të Alokimit Hije; dhe
5. Nëse Forca Madhore vazhdon për një periudhë më të gjatë se gjashtë (6) muaj, Platforma e Alokimit ose çdo Pjesëmarrës i Regjistruar, përmes njoftimit për palën tjetër në çdo kohë për sa kohë që Forca Madhore vazhdon përtej asaj periudhe, mund ta ndërpresë në mënyrë të njëanshme Marrëveshjen e Pjesëmarrjes. Zgjidhja e Marrëveshjes do të hyjë në fuqi dhjetë (10) ditë pune pas dhënies së njoftimit ose ndonjë datë të mëvonshme të specifikuar në njoftim.
6. Për të shmangur dyshimet, ky Nen nuk cenon dispozitat e KREUT 7 në lidhje me reduktimin e të Drejtave të Transmetimit Ditor.

Neni 58

Njoftimet

1. Çdo njoftim ose komunikim tjetër që do të jepet sipas ose në lidhje me këtë Rregullore të Alokimit Hije duhet të jetë në anglisht.
2. Përveç rasteve kur parashikohet shprehimisht ndryshe në Rregullen e Alokimit Hije, të gjitha njoftimet ose komunikimet e tjera do të bëhen me shkrim ndërmjet Platformës së Alokimit e çdo Pjesëmarrësi të Regjistruar dhe do të dërgohen me mjete elektronike sikurse specifikohet

Rregullorja e Alokimit në Hije

nga Platforma e Alokimit në faqen e saj të internetit dhe të shënuara për dijeni të përfaqësuesit të palës tjetër sikurse përcaktohet në Marrëveshjen e Pjesëmarrjes ose sikurse njoftohet herë pas here nga Pjesëmarrësi i Regjistruar sipas Nenit 8.

3. Të gjitha njoftimet ose komunikimet e tjera do të jepen me letër të dorëzuar personalisht kundrejt dëftesës së marrjes ose të dërguara me postë rekomande ose korrier në rastet e mëposhtme:
 - (a) përfundimi i Marrëveshjes së Pjesëmarrjes në përputhje me Nenin 6;
 - (b) pezullimin dhe përfundimin sipas Nenit 55 dhe Nenit 56; dhe
 - (c) dorëzim të Garancisë Bankare, në rast se Garancia Bankare përfshin nënshkrim me dorë, në përputhje me Nenin 19.
4. Të gjitha njoftimet ose komunikimet e tjera do të konsiderohen se janë marrë:
 - (a) në rastin e dorëzimit personalisht, kur dorëzohet me dëftesë pranimi; ose
 - (b) në rastin e postës rekomande me parapagesë dorëzimi, në ditën pas ditës së regjistruar të dorëzimit; ose
 - (c) në rastin e mjeteve elektronike sikurse specifikohet nga Platforma e Alokimit në faqen e saj të internetit, kur i dorëzohet palës tjetër, por vetëm nëse kërkohet dhe merret një vërtetim marrjeje nga pala që dërgon mjetet elektronike sikurse specifikohet nga Platforma e Alokimit në faqen e saj të internetit.
5. Nëse një njoftim ose komunikim tjetër merret jashtë orarit normal të punës në një ditë pune, konsiderohet se është marrë në hapjen e biznesit në ditën pasuese të punës.

Neni 59

Konfidencialiteti

1. Marrëveshja e Pjesëmarrjes dhe çdo informacion tjetër i shkëmbyer në lidhje me përgatitjen e saj dhe aplikimin e një pjesëmarrësi në treg do të konsiderohet konfidencial.
2. Në varësi të paragrafit 3 të këtij Neni, Platforma e Alokimit dhe çdo Pjesëmarrës i Regjistruar që është marrës i informacionit konfidencial në lidhje me këtë Rregullore të Alokimit Hije do të ruajë konfidencialitetin e këtij informacioni dhe nuk do të zbulojë, raportojë, publikojë direkt ose indirekt, të zbulojë, transferojë ose përdorë çdo zë të informacionit konfidencial ndryshe nga qëllimi për të cilin ai u zbulua.
3. Pavarësisht nga paragrafi 2 i këtij Neni, Platforma e Alokimit ose një Pjesëmarrës i Regjistruar mund t'i zbulojë informacionin konfidencial të një pale zbuluese një pale të tretë me pëlqimin paraprak të palës të shprehur me shkrim dhe me kusht që pala nxjerrëse të ketë dhënë sigurinë se kjo palë e tretë është e kushtëzuar sipas detyrimeve ekuivalente të konfidencialitetit të përcaktuara në këtë Rregullore të Alokimit Hije të zbatueshme direkt nga Pala tjetër.
4. Pavarësisht nga parashikimi i paragrafit 2 të këtij Neni, Platforma e Alokimit ose një Pjesëmarrës i Regjistruar mund të zbulojë informacionin konfidencial të një Pale zbuluese:
 - (a) në masën që lejohet ose parashikohet shprehimisht nga Rregullorja e Alokimit Hije;

Rregullorja e Alokimit në Hije

- (b) çdo personi që është një nga drejtorët, funksionarët, punonjësit, agjentët, këshilltarët ose siguruesit e marrësit dhe i cili duhet të dijë informacionin konfidencial në lidhje me këto Rregullore të Alokimit Hije;
 - (c) për sa kohë që kërkohet për të respektuar legjislacionin e BE-së (sipas Rregullores (BE) nr. 1227/2011 dhe Rregullores (BE) nr. 543/2013) ose aktet ligjore në fuqi të Komunitetit të Energjisë dhe/ose legjislacionin kombëtar në fuqi ose ndonjë akt tjetër administrativ vendas përkatës, siç janë kodet e rrejtit;
 - (d) për sa kohë që kërkohet nga një gjykatë, arbitër ose gjykatë administrative ose një ekspert gjatë ecures së procedurave përpara gjykatës, në të cilën marrësi është palë;
 - (e) siç mund të kërkohet nga Operatorët përkatës të Sistemit të Transmisionit për përmbushjen e duhur të porosisë dhe detyrimeve të tyre në përputhje me ligjet në fuqi dhe këtë Rregullore të Alokimit Hije nga vetë ata ose nëpërmjet agjentëve apo këshilltarëve; ose
 - (f) për sa kohë që kërkohet të marrë leje ose miratim nga një autoritet kompetent.
5. Gjithashtu, detyrimet që rrjedhin nga ky Nen nuk zbatohen:
- (a) nëse Pala që merr informacionin mund të provojë se në kohën e zbulimit, ky informacion ishte i disponueshëm publikisht;
 - (b) nëse Pala marrëse ofron prova se, që nga koha e zbulimit, informacioni në fjalë është marrë ligjërisht nga një palë e tretë ose është bërë i disponueshëm publikisht;
 - (c) për informacionin konfidencial të komunikuar, në përputhje me dispozitat ligjore dhe rregullatore, në një formë të inkuorporuar nga e cila nuk mund të nxirret asnjë informacion specifik për një pjesëmarrës tregu;
 - (d) për informacionin, publikimi i të cilit parashikohet shprehimisht nga kjo Rregullore e Alokimit Hije.
6. Detyrimet e konfidencialitetit në këtë Nen do të mbeten të vlefshme për një periudhë prej pesë (5) vitesh pas përfundimit të Marrëveshjes për Pjesëmarrjen e Pjesëmarrësit të Regjistruar.
7. Nënshkrimi i një Marrëveshjeje Pjesëmarrjeje dhe shkëmbimi i informacionit konfidencial nuk jep asnjë të drejtë për patenta, njohuri ose ndonjë formë tjetër të pronësisë intelektuale në lidhje me informacionin ose mjetet e vëna në dispozicion ose dërguar nga njëra palë te tjetra sipas kushteve të kësaj Rregulloreje të Alokimit Hije.

Neni 60 Delegimi dhe nënkontraktimi

1. Platforma e Alokimit mund të delegojë, rinovojë ose transferojë ndonjë nga të drejtat apo detyrimet e saj sipas një Marrëveshjeje Pjesëmarrjeje ose kësaj Rregulloreje të Alokimit Hije në një Platformë tjetër Alokimi. Platforma e Alokimit do të njoftojë Pjesëmarrësit e Regjistruar për ndryshimin duke dërguar një mjet elektronik sikurse specifikohet nga Platforma e Alokimit në faqen e saj të internetit me konfirmimin e marrjes sa më shpejt të jetë e mundur dhe në çdo rast të paktën dhjetë (10) ditë pune përpara datës në të cilën ndryshimi hyn në fuqi.

Rregullorja e Alokimit në Hije

2. Një Pjesëmarrës i Regjistruar nuk mund të delegojë, rinovojë ose transferojë në ndonjë mënyrë tjetër asnjë nga të drejtat ose detyrimet e tij sipas Marrëveshjes së Pjesëmarrjes së tij apo kësaj Rregulloreje të Alokimit Hije pa pëlqimin paraprak me shkrim të Platformës së Alokimit.
3. Asgjë në këtë Nen nuk do të pengojë një Platformë Alokimi ose një Pjesëmarrës të Regjistruar që të lidhë marrëveshje nënkontraktimi lidhur me këtë Rregullore të Alokimit Hije. Lidhja e një marrëveshjeje nënkontraktimi nga një Pjesëmarrës i Regjistruar nuk e liron Pjesëmarrësin e Regjistruar nga asnjë detyrim apo përgjegjësi sipas Marrëveshjes së Pjesëmarrjes së tij ose kësaj Rregulloreje të Alokimit Hije.

Neni 61 Ligji rregullues

Kjo Rregullore e Alokimit Hije do të rregullohet dhe interpretohet në të gjitha aspektet në përputhje me ligjin belg.

Neni 62 Gjuha

Gjuha e zbatueshme për këtë Rregullore të Alokimit Hije do të jetë gjuha angleze. Për shmangien e dyshimeve, kur Operatorët e Sistemit të Transmetimit duhet t'i përkthejnë këto Rregullore të Alokimit në Hije në gjuhën e tyre kombëtare, në rast mospërputhjes ndërmjet versionit në anglisht të publikuar nga Platforma e Alokimit dhe çdo versioni në një gjuhë tjetër, versioni në anglisht i publikuar nga Alokimi Platforma do të mbizotërojë.

Neni 63 Pronësia intelektuale

Asnjë Palë nuk do të fitojë të drejtë, titull, licencë ose interes tek ndonjë e drejtë e pronësisë intelektuale të Palës tjetër në lidhje me këtë Rregullore të Alokimit Hije.

Neni 64 Marrëdhëniet e Palëve

1. Marrëdhënia e Platformës së Alokimit dhe Pjesëmarrësit të Regjistruar është përkatësisht ajo e ofruesit të shërbimit dhe përdoruesit të shërbimit. Me përjashtim të rasteve të parashikuara shprehimisht në këtë Rregullore të Alokimit Hije, asgjë që përmbahet ose nënkuptohet në këtë Rregullore të Alokimit Hije nuk përbën ose konsiderohet se përbën Platformën e Alokimit ose një Pjesëmarrës të Regjistruar, partnerin, agentin ose përfaqësuesin ligjor të tjetrit për çfarëdo qëllimi ose krijon apo konsiderohet se krijon ndonjë partneritet, marrëveshje përfaqësimi apo besim midis Palëve.
2. Pjesëmarrësi i Regjistruar pranon se as Platforma e Alokimit dhe as ndonjë person që vepron në emër ose i lidhur me Platformën e Alokimit nuk bën ndonjë zotim, jep ndonjë këshillë apo garanci apo angazhim të çfarëdo lloji në lidhje me këtë Rregullore të Alokimit Hije, Marrëveshje Pjesëmarrjeje apo informacioni të nxjerrë ose apo çdo formë tjetër, në lidhje ose që ka të bëjë me këtë Rregullore të Alokimit Hije, Marrëveshjen e Pjesëmarrjes dhe informacionin e nxjerrë ose çdo transaksion apo marrëveshje të parashikuar nga kjo Rregullore e Alokimit Hije, Marrëveshja e Pjesëmarrjes dhe Informacioni i nxjerrë, përveçse kur parashikohet në mënyrë specifike në këtë Rregullore të Alokimit Hije ose në Marrëveshjen e Pjesëmarrjes.

Neni 65

Mos delegimi i të drejtave në palët e treta

Platforma e Alokimit dhe çdo Pjesëmarrës i Regjistruar pranojnë dhe bien dakord që një person që nuk është palë në Marrëveshjen e Pjesëmarrjes ndërmjet tyre, duke përfshirë çdo pjesëmarrës tjetër të tregut, nuk ka të drejtë të zbatojë këtë Rregullore të Alokimit Hije ose Marrëveshjen e Pjesëmarrjes ndërmjet Platformës së Alokimit dhe atij Pjesëmarrës të Regjistruar.

Neni 66

Heqja dorë

1. Asnjë lëshim për ushtrimin ose vonimin në ushtrimin e ndonjë të drejte, kompetence apo mjeti juridik të parashikuar me ligj ose në bazë të kësaj Rregulloreje të Alokimit Hije nuk do të cenohet ose do të përbëjë heqje dorë nga kjo e drejtë apo ndonjë e drejtë, kompetence apo mjet juridik tjetër. Asnjë ushtrim i vetëm ose i pjesshëm i ndonjë të drejte, kompetence ose mjeti juridik të tillë nuk përjashton ose dëmton ushtrimin tjetër ose të mëtejshëm të tij ose ushtrimin e ndonjë të drejte, kompetence apo mjeti juridik tjetër të parashikuar me ligj ose në bazë të kësaj Rregulloreje të Alokimit Hije.
2. Çdo heqje dorë nga çdo e drejtë, kompetencë apo mjet juridik sipas kësaj Rregulloreje të Alokimit Hije duhet të jetë me shkrim dhe mund të jepet në varësi të çdo kushti që mendohet i përshtatshëm nga dhënësi. Përveç se kur deklarohet shprehimisht ndryshe, çdo heqje dorë është efektive vetëm në rastin dhe vetëm për qëllimin për të cilin është dhënë.

Neni 67

Marrëveshja e plotë

Kjo Rregullore e Alokimit Hije dhe Marrëveshja e Pjesëmarrjes përbëjnë ose i referohen shprehimisht të gjithë marrëveshjes midis Platformës së Alokimit dhe secilit Pjesëmarrës të Regjistruar lidhur me objektin e këtij dokumenti dhe përjashtojnë shprehimisht çdo garanci, kusht apo zotim tjetër të nënkuptuar me ligj ose zakon dhe zëvendëson të gjitha marrëveshjet dhe mirëkuptimet e mëparshme ndërmjet Platformës së Alokimit dhe secilit Pjesëmarrës të Regjistruar në lidhje me to. Platforma e Alokimit dhe çdo Pjesëmarrës i Regjistruar pranojnë dhe konfirmojnë se asnjëri prej tyre nuk miraton këtë Rregullore të Alokimit Hije ose Marrëveshjen e Pjesëmarrjes duke u mbështetur në zotime, garanci apo angazhime të tjera (përveç rasteve kur bëhet në mënyrë mashtroese) që nuk pasqyrohet plotësisht në kushtet e kësaj Rregulloreje të Alokimit Hije ose Marrëveshjen e Pjesëmarrjes.

Neni 68

Mjetet juridike ekskluzive

Të drejtat dhe mjetet juridike të parashikuara nga kjo Rregullore e Alokimit Hije dhe Marrëveshje e Pjesëmarrjes për Platformën e Alokimit dhe çdo Pjesëmarrës të Regjistruar janë ekskluzive dhe jo kumulative, dhe, në masën e lejuar me ligj, do të përjashtojnë dhe do të jenë në vend të të gjitha të drejtave apo mjeteve ligjore materialeve (por jo procedurale) të shprehura ose të nënkuptuara dhe të parashikuara me ligj ose statut në lidhje me objektin e kësaj Rregulloreje të Alokimit Hije dhe Marrëveshjes së Pjesëmarrjes. Rrjedhimisht, Platforma e Alokimit dhe çdo Pjesëmarrës i Regjistruar heq dorë në masën më të plotë të mundshme nga të gjitha këto të drejta dhe mjete juridike të parashikuara me ligj ose statut, dhe e liron njëri-tjetrin nëse është përgjegjës ndaj ndonjërit prej tyre, funksionarëve, punonjësve dhe agentëve të tyre, në të njëjtën masë nga të gjitha detyrat, përgjegjësitë apo detyrimet e parashikuara nga ligji ose statuti në lidhje me çështjet e trajtuara në këtë Rregullore të Alokimit Hije dhe në Marrëveshjen e Pjesëmarrjes dhe merr përsipër të mos

Rregullorja e Alokimit në Hije

zbatohet asnjë prej tyre, përveç kur parashikohet shprehimisht në këtë dokument.

Neni 69

Ndashmëria

Nëse ndonjë dispozitë e kësaj Rregullore të Alokimit Hije ose të një Marrëveshjeje Pjesëmarrjeje shpallet e pavlefshme, e pazbatueshme ose e paligjshme nga gjykatat e çdo juridiksioni të cilit i nënshtrohet ose në bazë të arbitrazhit ose me urdhër të ndonjë autoriteti kompetent, kjo pavlefshmëri, pazbatueshmëri ose paligjshmëri nuk do të cenohet ose prekë dispozitat e mbetura të kësaj Rregulloreje të Alokimit Hije dhe Marrëveshjen e Pjesëmarrjes, të cilat do të vazhdojnë të jenë në fuqi dhe efekt të plotë, pavarësisht nga një pavlefshmëri, pazbatueshmëri ose paligjshmëri e tillë. Çdo pjesë apo dispozitë e pavlefshme, e paligjshme, e pavlefshme dhe/ose e pazbatueshme do të zëvendësohet me pjesë ose dispozita të vlefshme, të ligjshme dhe/ose të zbatueshme në mënyrë që të arrihet efekti ekonomik dhe juridik i synuar.

Shtojca 1

Lista e kufijve të Zonës së Ofertimit për të cilat zbatohen Rregullat e Alokimit Hije.

Lista e kufijve të Zonës Ofertuese		
Lista e OST-ve përgjegjëse		
Shqipëri (AL)	<>	Kosovë (XK)
OST		KOSTT

Kjo listë e kufijve të Zonës së Ofertimit për të cilat zbatohen Rregullorja e Alokimit Hije mund të ndryshohet ose plotësohet në përputhje me dispozitat e Nenit 52 (Kohëzgjatja dhe amendimi i Rregullores së Alokimit Hije) të kësaj Rregulloreje të Alokimit Hije.